

左龠詩錄

左龠詞錄

六十一

左
龔
詩
錄

寧武
南氏
校印

左龔詩錄目

卷一 匪風集 凡五十五首

銅人辭漢歌

孤鴻

效長吉

雜咏

古意

雜咏 二首

讀天演論 二首

雨花臺

懷桂蔚丞先生 時客汴省

寒夜望月

宋故宮

送春

中興頌

憶昔

題照片

題梁公約詩冊 二首

癸卯夏游金陵

贈楊仁山居士 四首

雜咏 二首

偶成

贈婁縣瞿堞臣 二首

贈興化李審言 二首

仲夏感懷 二首

題袁季枚丈松林庵古松畫冊 四首

端陽日偕地山澤山穀人泛湖言念舊游愴然有作
閱趙搆叔詩集詆呂晚村甚力因作二絕正之

相忘

有感

讀王船山先生遺書

和周美權夜坐偶成用原韻

讀莊子逍遙游 二首

癸卯夏記事

答袁康侯 二首

靜坐

書顧亭林先生墨迹後

贈子言

雜詩 二首

靜觀

卷二 左盦詩 凡六十二首

湘漢吟 庚子

燕

宮怨

有感 辛丑

楊花曲

幽蘭

詠史 二首 壬寅

舟發金陵望月

懷桂蔚丞丈

古意 用李樊南效長吉詩韻

宋故宮 癸卯

佳人

采蓮歌

莫愁湖

答周美權詩意

後湘漢吟

甲辰

招隱詩

擬茂先情詩 二首

乙巳

詠蝙蝠

扇

蕪湖赭山秋望

丙午

對月

燕子磯

清涼山夕望

日本道中望富士山 丁未

冬日旅滬作

滇民逃荒行

再渡日本舟中作 戊申

工女怨 三首

從軍行 六首

譯石門和夫氏希望詩 二首

金陵城北春游 己酉

從甸齋尙書北行初發焦山

答梁公約贈詩

秋懷

得陳仲甫書

詠史 四首

勵志詩

游天津公園

庚戌

折柳詞

三首

季夏雨霽游北洋公立種植園泛舟竟夕

新白紵曲

秋思

題趙受亭黃山松圖

夕雨初晴登西山重興寺孤亭

送諸貞壯

西山觀秋穫

卷三

左盦詩續錄

凡七十二首

八指頭陀詩

三首

傷女頌

二首

雜詠 三首

烏孫公主歌

滬上送陳佩忍至杭州

九江烟水亭夕望

舟中望廬山

橫江詞 四首

花園鎮關帝廟夜宿

黃鶴樓夕眺

升天行

游仙詩

大隄曲 八首

蜀中贈吳虞 三首

蜀中贈朱雲石

述懷一百四十韵示蜀中諸同好

浣花溪夕望

陰氛篇

八墳篇

大象篇

詠史 十二首

凌雲山夕望

重慶老君洞夕眺有感

題江永澄春湖載酒圖

題文綺奩溪亭夜讌圖

題張船山南臺飲酒圖

未遂

已分

壯志

嘉樹 二首

答陸著那 二首

上海贈謝无量

哀王郁仁

獨居

雜詩 二首

薊烟

癸丑紀行六百八十八韻

題馬彝初所藏明人殘硯

題董文蛻盒菱湖泛舟圖

樊雲門七十壽詩 二首

卷四 左盦詩別錄 凡七十二首

臺灣行

齊侯疊歌

文信國祠

古意

讀楚詞

有感

書楊雄傳後

臺城柳

楚詞

詠扇

出郭

讀戴子高先生論語注

歸里

幽蘭吟

詠明末四大儒 四首

詠女媧

黃天蕩懷古

申江雜感用蘇東坡秋懷詩韵 二首

烟雨樓 二首

聞某君卒于獄作詩哭之

東京清明雜感 二首

咏漢長無相忘瓦

咏懷 五首

咏禾中近儒 三首

題陳去病拜汲樓詩集 二首

鴛鴦湖放棹歌

焦山放船至金山

夜月

讀楚詞

燕雁代飛歌

擬杜工部贈李十二白二十韻

謁冶山顧亭林先生祠

書懷

題風洞山傳奇 三首

觀物吟

多能

滴翠軒

留別 二首

贈李誠菴 二首

留別鄧繩侯先生

偶成 二首

雜賦

張園

滇民逃荒行

工女怨 二首

從軍苦歌 七首

譯石門和夫氏希望詩 二首佚一

燕巢外張燈

蕭瑟隨近橋

寄民去病詩

燕山賦賦至金山

匪風集

左盒詩錄一

儀徵劉師培申叔

銅人辭漢歌

建章宮殿西風急沈陰黯淡天無色
聞到昆明有劫灰空餘仙掌留真跡
龍去鼎湖不可攀茂陵秋雨銅花溼
一朝牽向鼎門前空對秋風思故國
西望長安里數千五雲宮闕長相憶
微物猶知戀主恩人生况復非金石
君不見周鼎沈淪泗水陰奇珍不爲秦人獲
休屠金人亦祭天一朝移向郊壇側

孤鴻

孤鴻飛江渚萬里度瀟湘不言對以臆
憔悴因自傷憶昔春風起送我來冀
方羞與燕雀羣冀列鸕鷀行秋風動
關塞吹我入南荒朔方豈不美胡地
多雪霜苟免矰繳嬰違計謀稻梁山
川既阻深何日再隨陽南方不可留
來過清渭旁繫帛落漢宮冀

遇順風翔秦關隔楚水千里遙相望

效長吉

芙蓉泣湘江幽蘭愁澧浦水弄洛神珮竹啼湘妃苦帝子苟不
來白雲冷玄圃巫咸下雲旗颭颭風吹雨洞庭八千里風浪誰
能渡江頭明月黑來照青楓樹薜蘿風蕭蕭夜深山鬼語

雜詠

大塊勞我生於人何厚薄人生天地間何事生哀樂吾思造化
初萬物各有託一畫肇開天然後渾真鑿物我不相形安在分
強弱智慧苟不開焉用聖人作褒貶在人心奚事參筆削得失
亦偶然所貴解塵縛

古意

美人弄鳴機製爲白素絲羅衣猶未成轉瞬化爲縑往者不可
追來者未可知逝水一以去東流無已時落花辭故林何時返

舊枝紅顏能幾時
悽愴凋蛾眉
寄語素心人
蹇修慎勿遲

雜詠二首

朝飲燕市酒
夕驅夷門車
丈夫不得志
寥落悲窮途
長鋏鳴秋風
知音無風胡
寧爲投林鳥
不爲吞鉤魚
君看鳥投林
猶借一枝居
游魚吞鉤去
何時反江湖

出門何茫茫
俯仰天地窄
流光不我待
白日忽已夕
愁雲黯寒山
秋草積阡陌
良辰易蹉跎
去去將安適
鴻鵠有高志
燕雀安能識
譟我隴上吟
英雄在草澤

讀天演論二首

園柳轉微黃
隄草弄新翠
感此微物姿
亦具爭存志
春風動和煦
桃李競爭媚
繁華能幾時
過眼傷憔悴
長松傲歲寒
物以後凋貴

芙蓉何青青
鉛華冒芳池
秋風一一起
花葉何紛披
豈無向榮

志搖落不自持吾欲涉江采芳馨將誰貽蓮子墮寒波苦心終不移

雨花臺

落葉蕭蕭點碧苔西風回首又登臺無邊衰草連天暗萬里悲沙捲地來故壘空餘蘆荻影他鄉羞見菊花開江南亦是消魂地閱盡齊梁六代才

懷桂蔚丞先生

時客汴省

江關空蕭瑟黃菊弄殘秋言念梁園客於今賦倦游淮南桂樹落招隱空山幽九曲黃河水東流且未休

寒夜望月

玉宇瓊樓想像中廣寒宮闕冷西風姮娥漫詔通靈術大地山河已不同

宋故宮

幾曲河流繞汴京大隄楊柳不勝情七陵風雨松楸老秋草淒涼五國城

送春

落花流水惜春去別酒初醒雨似塵楊柳不知遲暮恨隔牆猶作兩家春

中興頌

在昔天寶失其綱一朝鞞鼓興范陽山東大半爲賊守翠華迢迢辭未央青螺西幸來蜀道千乘萬騎下陳倉當時僞燕僭帝號太子匹馬赴朔方二十四郡忠臣少平原太守知勤王此地獨阨賊形勢入秋士馬精且強長安天子素不識乃能忠義奮戎行兩京收復賴李郭吐番回紇來西疆天下復見中興日周宣漢光喜再昌道州刺史元次山振筆作頌何煌煌魯公書碑三百字此物長峙天南方古人作銘頌功烈此碑無乃關興亡

北宋詩人黃魯直撫碑弔古賦詩章太子即位上幸蜀乃以乾
元例建康謂此碑文兼諷刺肅宗何爲君鳳翔不知大駕旣南
巡羣凶之勢頗倡狂使非肅宗權即位天命那得再興唐况乎
帝璽自蜀來復聞遣使迎上皇忠臣旣贈巡與遠相才復用房
與張父子啟豐由輔國是以南內嗟淒涼乃知肅宗本賢主詩
意無乃太渺茫豐碑迄今數百載浩劫不復隨星霜新詩尙憶
王司理繼其詠者江都黃我訪殘碑得諸市字體數幅足珍藏
元公高文魯公筆足令斗室生輝光我欲訪碑徧寰宇此地其
奈隔瀟湘安得扁舟下楚越此碑重訪浯溪旁

憶昔

往昔時參出世法而今猶現眾生身一心寂照宜參佛萬象空
虛不染塵楚客屠龍成故技莊生夢蝶證前因恆河無量沙無
量浩劫悠悠付法輪

夢題照相片

人相我相眾生相無人無我無眾生現身偶說出世法大千世界開光明

賦題梁公約詩冊二首

過江名士多於鯽風雅如君真可師我亦風塵苦行役與君同唱橫江詞

論詩未覺西江遠宗派茫茫付與誰淮海文章溯流別涪坡嗣響屬君詩

癸卯夏游金陵

乾坤如此不歸休獨向江南賦壯游天塹敢矜形勢險名山劃斷古今愁勞勞歌哭憑誰訴歷歷雲山淡不收我亦天涯感淪落年年江上棹歸舟

贈楊仁山居士四首

...

十載秋風白下居此心寂照證真如一從物我相忘後三界唯
心萬象虛

支那印度古名國白馬傳經憶昔時無量恆河無量劫而今象
教又淪夷

黃金世界不可睹物競風潮日夜深欲挽狂瀾障君輩何時重
證菩提心

震旦扶桑原咫尺多君海國訪經回君所刊經典多得之日本何當更放光
明藏无量羣生慧業開

雜詠 二首

如此風塵行路難中年哀樂苦無端江山寥寂慘無語獨立神
州袖手看

淨心應證菩提樹浩劫常離生滅門歲月堂堂春又去廿年塵
夢與誰論

偶成

去住兩無心悠悠物外吟行藏風月我綦跡去來今塵世觸蠻
戰空山猿鳥音成連今不作寥落海天深

贈婁縣瞿堞臣 二首

復初景范古作者絕學沈淪誰復知兩戒河山辨苗髮羨君能
識談瀛奇

書記依人聊復爾茫茫京洛多風塵出門西笑不稱意從君更
訪梁園春

贈興化李審言 二首

廣陵著述甲江左徵文考獻渺不聞孤生寂寞守先學提倡宗
風欣得君

冶城山下偶託跡抗塵走俗謝弗如君山不作爾寂寂曠世誰
識子雲書

仲夏感懷 二首

眾生浩劫恆河沙吾知無涯生有涯客至有時還淪茗書長渾
不廢看花空山寂寂忘人世逝水悠悠閱歲華物外真游誰則
覺間耽芳逸弄天葩

閉門枯坐息塵夢松齋寥寂供讎書靜觀自得山梁雉真賞忘
言濠濮魚寄傲羲皇聊復爾許身稷契近何如傷情別有憂時
淚不學相如賦子虛

題袁季枚丈松林庵古松畫冊 四首

海陵古松甲天下雙龍盤屈形瑰奇六朝松石古人重無復漁
洋來賦詩

畫師繪松見奇格尺素蕭蕭風雨生我見畫松如舊識西風十
月海陵城

畢宏韋偃渺不作天下畫松今幾人雅識先生歲寒操此圖留

與伴吟身

過眼烟雲閱今昔六代舊物莽荆榛
枝柯夭矯臥雲壑劫灰歷盡蕭梁塵

端陽日偕地山澤山穀人泛湖言念舊游愴然有作

涼風五月吹菰蒲芙蓉急雨跳明珠
蕉窗兀坐塵事少尋芳偶踏隋宮蕪
瘦湖一角城西隅水天如鏡扁舟趨
亭軒窈窕豁雲水靜觀自得皆歡愉
前度游蹤歷歷記良朋聚首傾玉壺
浮雲縹緲隔天際餞別又繪春湖圖
人生自古有離合譬如蓬梗隨江湖
過眼烟雲剎那頃百年一隙駛白駒
方今世事墮塵霧大厦將傾誰則扶
眼中雲物閱今昔風景不異山河殊
天涯淪落那可說世路荆棘非坦途
我生哀樂原斯須游觀未已斜陽晡
閱趙撫叔詩集詆呂晚村甚力因作二絕正之

東南文網密於織黨禍誰憐瓜蔓抄
堪笑宋廷禁僞學考亭名

共嵩華高

文禍早偕胡

中戴名世

著儒名猶共陸

稼

張

考

齊

當時以呂陸張及勞麟書為四

大

如何言更因人廢此論吾嗤趙會稽

魏默

深先及勞麟書為四不可廢而趙氏詩則曰

如何言不因人廢此論吾嗤魏邵陽故此句反之以存公論

相忘

相忘惟物我塵鬢漸霜侵咄咄深源事悠悠梁父吟酒泉千日醉春水一池深何用談興廢浮雲自古今

有感

春蠶吐絲空作繭螳蝦奮臂思當車人間恨海風波惡肯學興公賦遂初

讀王船山先生遺書

衡山萬仞雄南區元氣磅礴靈秀儲篤生先生鴻達儒抗志直欲希橫渠干戈擾攘興東胡茫茫天路多崎嶇中原板蕩灰劫

餘胡塵頌洞風沙麤粵東天啟興王都鵬鯤展翼垂天衢上書
憂國籌軍輸攘狄大義春秋符帝子不歸愁蒼梧孤忠直與湘
纍俱故園歸來松菊蕪尺蠖伸屈師申屠漆室感事發長吁黃
書一篇經國謨制宰任官良策紆弘濟敢嗤儒效疏著書萬卷
黃顧如眷懷宗國心不渝黍離麥秀悲遺墟舉世誰復知申胥
井中心史傳遺書所南忠憤古所無

和周美權夜坐偶成用原韵

蘭蕙不盈畝椒椒猶當帷白雪與陽春敢傷知音稀滄海嗟颺
塵浩劫同殘棋百卉既不芳忍聽鶻鴞啼炎運今方衰坐待秋
風淒達人具遐想洞照理無遺靜觀自有真肯爲妄念欺物我
苟不忘恐爲莊生訾眾生未普度此願終不違相彼鵬與鷗詎
慕枳棘栖方池水盈尺乃欲羈蛟螭言念汀洲中杜若多紛披
皎皎青蓮花獨與塵界離息靜參化機志慕彭殤齊海水須彌

山消竭會有期魯戈如可揮誓欲回朝曦吾生亦有涯萬劫烟
雲隨歸心師大雄無爲老氏雌珍重歲寒盟嶽嶽青松姿

讀莊子逍遙游 二首

鼯鼠飲河期滿腹螻蛄閱世忘春秋一彈指頃八千載何人重
證逍遙游

南溟北溟今咫尺鯤鵬變化何神奇扶搖不送培風翼又是天
池息影時

癸卯夏記事

蒼狗浮雲變幻虛縱橫貝錦近何如日斜秦野瓜空蔓秋到湘
江蕙已鋤蹈海何心思避世愚民應更笑焚書鸞鳳竄伏神龍
隱搔首江天恨有餘

答袁康侯 二首

守雌已違柱下史玩世莫學東方生勞生歲月堂堂去未入中

年百感并

荃蓀芳潔寫忠愛松柏輪囷忘歲寒落落知音談海內七絃誰復廣陵彈

靜坐

雞蟲得失曾何補蠻觸紛爭近有因棋罷不知身閱世詩成渾覺墨磨人揚舲極浦靈修遠彈指華嚴佛諦真別有奇懷超物外何時重脫六根塵

書顧亭林先生墨迹後

胡塵沒中原虜騎密如織先生經世才文采華南國拜表至行朝真意達肝鬲微忱抱區區歲寒堅金石崑山三百里坐見烽烟逼神州既淪沈悲哉陷異域秋風吹濟南摧藏鍛鴻翮一鸚翔雲霄肯爲罽羅得昌平風蕭條關塞悲行役傷哉麥秀歌吾駕將安適滅跡遂躬耕有懷亦焉極著書豈近名淹雅深寧匹

平生苦羈旅德鄰必有擇關中得天生傾蓋心莫逆迢迢一紙

書道義了無隔

此書疑亭林與李因篤者

縑簡隨雲烟零落憑誰惜手迹

尊名賢珍護如球璧沈埋三百載幽光豈終匿生民尙左衽天未厭夷德鬱此堅貞心對此空悽惻

贈子言

江關蕭瑟古今哀書劍飄零海上來愛寫詩篇韶濩響從知襟抱海天開近游爲補吟邊草歸興聊謀劍外杯回首梁園賓客盡天留詞筆嗣鄒枚

雜詩二首

世界一微塵千百億化生一切世間法幻境何縱橫人相苟不離塵網與世嬰試作平等觀諸法惟一心

心法兩無礙無物心何障我執與法執有相皆虛妄光明未普照浩劫復无量靜趣隨物寓即境生遐想

靜觀

大造育羣生周行罕止境逝水無停波浮雲無留影觀化萬慮
空有適心獨領樹木發輝光幽鳥弄清景當前理俱新反視情
彌靜兀兀良可傷昭昭用自省

離器其其身可憐
淵淵其自容世間
法幻境何縱橫人
相苟不
空亦盡心
離離木
登載
波瀾
具弄
青景
當前
既身
豫又
離離
大
波
有
擊
公
風
帝
老
也
鼓
激
水
濺
外
遊
將
雲
濤
留
漫
彌
升
萬
歲

卷之九 雜記 遊山記 遊山記

左盦詩

左盦詩錄二

儀徵劉師培申叔

詩教幽隲基胎中唐僞體圖徽正聲闕響蓋炎漢而降臻迄
唐初篇章充咳延演萬殊然謠詠情志抒渫哀愉覃塞淵
之思燁燁參清之什辟彼肥泉歸異出同由柔厚之旨未毗
故怨誹之懷可繹若夫藻詞譎喻感物聯類時會判而隱顯
區覽誦此而樸麗析持此溝畛固已末矣李杜以後律寢倘
違哆音汨雅謙語戢華儼掎捩於隕英剗粵杵於婁條馨逸
苑湮熒郁曠沈六義備霽歷祀踰千晚近作家所習滋洿其
有摠比興之奧翥籲諧之音唯江都黃承吉氏陽湖張琦氏
荆溪周濟氏涇包世臣氏甘泉楊亮氏仁和譚獻氏丹徒莊
棫氏湘潭王闔運氏而已然黃氏迪繇僅膠庠徐譚莊述軌
復未靳驂張周包楊蹈轍未偕挖詞謝適王氏晚出迺轍眾

家別有三原孫枝蔚氏東臺吳嘉紀氏醇或未臻旨匪偈昔
俛瞻近什亦其選也師培髻歲習詩模臬未准古今專集頗
事蒐討忱或觸悵恆怡仿規年際弱冠浸潤世論西江之體
孳鑽較劬曾勾哀所作刊爲匪風集苦不逮意迺頗悛懌嗣
有歎唸輒弗省錄惟正變之源雅鄭之判根倪粗測采秩浸
嚴及羈津門栖狹多暇爰薙掇舊刊十或存一蠲祓宿蕝貿
更舊觀益以近作用麗文集之末名曰左盦詩敷忻戚於中
情寓慘舒於物候邦有子雲應歛霧穀世无正則疇折瓊枝
序而存之以俟達者宣統庚戌八月十五日揚子劉師培識

湘漢吟

庚子

西風吹班竹候鳥流商音鬼歎薜蘿月魂淒楓樹林岫寒哀狖
避雲冷潛龍吟言念交甫珮漢江水自深

燕

古盦詩卷二

狼胥山邊春草肥營巢燕子又南飛若逢海國風霜冷問爾飄
零歸未歸

宮怨

朝陽日暝栖鴉飛未央霜凜禽華肥簾櫳夕雨夢珠箔絺綌西
風欺綠衣欲知金屋佳人怨試看玉墀苔迹稀

有感

辛丑

鱣魚蟄遐激偶歧文禽霏羽毳一朝溥溟瀛何時歸冥塵積四
維敢懟虞人機不見鯤與鵬嬾易靡休時

楊花曲

楊柳千條垂綺櫳楊花開落隨春風鷓鴣啼春春易暮風花漂
蕩入秦宮秦宮不可留吹影上粧屢粧屢蕩婦居自憐征人荷
羽臨幽燕此花也解飄零苦不逐春雲至塞邊古塞迢遙落日
紅塞垣流水自西東渡江勿化新萍去回首煙波一萬重

幽蘭

幽蘭閔隱谷莖葉隨春發不見美人采坐嘆貞蕤歇豈以晚
姿忍爲氛埃沒之子儻可貽川廣終思越

詠史二首 壬寅

朝傾薊市酒夕馳梁門車丈夫詘鳴鋏志士傷鬱居置兔在中
膺亡羊多歧塗釣璜隱姜公乞殮羈荆胥掉手謝酒紛條歎歸
江湖

出門何欽欽俛仰絃維窄悲雲默岌恒苴卉弗阡陌馳暉不我
徯晨陽倏已夕丹鳳歧軒翺樊鳥疇能測闕我隴頭唵冥湛甘
艸澤

舟發金陵望月

月燁金波展霄空玉露凝青圍江岸石紅閃客船鐙渺渺東流
水迢迢北斗繩西南羣嶂影應夢蔣侯陵

懷桂蔚丞丈

江關近蕭颯叢菊弄殘秋頗念梁園客於今賦倦游淮南桂樹
落招隱空山幽九曲黃河水東流且未休

古意用李樊南效長吉詩韻

楊柳掃纖眉芙蓉映褻衣秋草罷殘綠春英懶不飛離堂竟岑
寂佳期歸弗歸

宋故宮

癸卯

汴水隄邊楊柳生黍華開罷杜鵑鳴七陵風雨松杉老塞艸淒
涼五國城

佳人

佳人鳴寒機攢指擘素絲顛質嬾褰裳倏蒙香塵緇往者不可
思來者安可期逝水無迴瀾落英豈返枝紅顏弗自保憐愴彫
蛾眉寄語素心人蹇修慎莫遲

採蓮謠

秋水方盈盈隔溪有人語
妾貌菡萏花郎心蓮子苦

莫愁湖

簫管畫橈回珠櫳夾岸開
江山續金粉烟雨幕池臺
流水增新劫清謔蕩古哀
鬱金堂畔路飛燕可重來

答周美權詩意

茝蘅不盈畦椒椒拳我帷
木零鷓雞凋芳歇鸚鵡啼
值茲炎運燿坐待溼風淒
翕慮溶化機洞冥僚劫棋
騷駸羽琤寐虬攜曲池所
跂魯戈朽庶傾耽史雌麟
困蘊深植嶽嶽青松姿

後湘漢吟

甲辰

翠蓋澹凝霧碧旂輕拂霓
水弄雒神珮竹淒湘妃啼
蓉老殘紅褪藤深慘綠齊
銷魂自有地不必襄陽堤

招隱詩

閒雲自戀嶠艸露奚成珠畸人偃岩谷湛士輕安車陸通惴宦
荆子真懌栖吳鬼隴巖瀨臺寥寂南陽廬劍華韜尺匣風胡今
則無寧爲投林鳥毋爲吞鉤魚君看鳥投林北山多枋榆游魚
愉吞鉤何時返江湖

擬茂先情詩二首 乙巳

白商蕩炎濁素月流澹暉柳色訝非昔採菘終朝稀相彼女蘿
絲匪松將何依鷓鴣知嘒儔候鴻不孤飛願爲陌上塵隨風集
君衣

階蘭摧晨霜園菊滋秋露蜻蛚旣吟壁蠨蛸亦在戶側聞檐溜
滴觸悵商絃撫冷紅不上欄寒碧紛盈宇試詢香杵聲可寫邊
城苦

詠蝙蝠

大造覆眾有施質非乖睽云何塵蹙蹤轉企岩壁栖蟄伏踵沈

陰翮反循天倪多伎儼夷由陶穴羞黜醜迺悟屈伸理能俾飛
伏齊僊踪儻非邊奚辭丹厓躋

扇

湘筠靜弗捲卻暑齊紈資颺颺清颺噓煜煜暄景衰好憑卷舒
力隱促炎涼移勿悲秋笥捐庶泯暑雨咨

蕪湖赭山秋望

丙午

浪跡涉艱阻頗訝游矚移緣麓瞰蒙密陟岨滌塵鞿金風汜寒
色燬陽戢炎暉仰眺霄漢昭俛眄川原肥掬壤辨鵠陵涌流渺
長淝麻廢茁故壘芳華輝曲碕臨幽感慮愒睇景衷懷違且尼
新亭哀末忘柴桑歸

對月

列星翕耀明河垂纖阿舒彩追陽曦帝臺兔影蕩瓊魄碧海蜃
輝凝玉脂璇宮闕譟桂芳溢金華流灼靈藥滋卽看輪影今非

昔爲報素娥知未知

燕子磯

清秋苦行役艤舟江上磯爲憐補霄石不作鳥雙飛

清涼山夕望

羈游百不憚况值羣卉腓阪隅陟嶽吟烟江析稀微禪栖噲塵
思岩居豐靜機宅心慈泉清矯首孤雲飛

日本道中望富士山 丁未

朱明返義轡昔慕匡廬崇訝茲高寒區移屢搏木東厖薄衍峻
壤崛崎培嶢峰冰液凝夏條雪塵浣春叢吐曜遠龍艸委羽僊
禽狎岡冢艸罷綠嶼瀆櫻燃紅側觀拭游目遐覽愉旅衷頗疑
羸氏臣監影標瀛蓬逋士有坏丘仙儔無遺蹤空聞珠玕林奇
光開頌濛

冬日旅滬作

糝絆岐絜騅藿澤聆弋鳧栖菑縱得基入浦終憎濡臨溪有蟠
枝濟舟慨瓠枯請曳江海綸戒哉金廬渝

滇民逃荒行

小車行麟麟黃埃墮其顛病婦无完裾捐子道路邊兒奔呼母
前百啼母不旋問婦來何方答言籍南滇曩歲愆陽多飛螽翼
盈天粒米未入甌撮粟或萬錢使君報有秋責租若靡煎爲言
餘粟罄胥曰鬻爾田無田奚眷鄉去鄉今期年昨宵雪花寒裳
薄无輕棉顧茲總角僮頗復饜粥饘兒生母殞飢母死兒誰憐
道旁有征夫聞言淚淪漣寄言鼎食者請誦滇民篇

再渡日本舟中作

戊申

曳輪利涉川水牡儻火妃朝別黃歇城夕辨長門崎崩騰眾峰
馳吸噲羣流歸岱輿眩矚眇郁夷隘峻巍推牖震風急倚檻陽
景微燭銀燿精液車渠絢瑤輝蘼英曳紫波石華潯綠磯習習

蛟旗擐軒軒鱗翼蜚沕清慕遐尙觀瀾研靜幾負石啮偃礮遁
蹤嘉蠡肥深感鯤徙溟靜媿漚忘機

工女怨 三首

朝陽被華宇照曜柔枝桑皎皎誰家女織縑日七裏云何婉孌
姿不懷掐指傷臯蘭弗我紉園葵况隕霜潭潭泉客居粲粲羅
幃張眷顧同儔人淇梁謫無裳

同儔愍我痺訝我損玉肌主人使致言頗啍成執遲亦知根食
艱所恟持役卑我欲休役歸庶與捶撲辭捶撲畏隕軀無食憂
輞飢輞飢可乞殮隕軀訴伊誰

白日下原隰子行返衡廬嬌兒迎門嚔訝母歸何徐母去釜積
塵母歸兒牽裾掬指探母橐怡聲諮餘儲罄幣易勺粟作糜弗
盈盂慰兒且加餐明日夫何如

從軍行 六首

霜氛萃肅瑟急飈軋淒聲驪駒紛在門詰且歌過征詢君今何
之凝悲揭中情爲言朔醜熾平樂方祠兵府帖昨至郊促我陰
凌行瘴人志靡監啟處疇遑寧

出門白日夕中婦傷臨歧亦知嘉逅希荷設焉獲辭□□□□
□□□□□□□□遞北南且舒刀環思愁兒不識愁曳裳諏
歸期語兒當早歸背兒雙涕垂

故人晨叩荆怒我長相睽酌我白玉樽慙燥弗忍持矯首罄君
權俛首中懷摧不知酒和淚一一沾征衣秦風吹浮雲轉瞬天
西陲多謝父老情化鶴當來歸

紫塞多終風瀚海常苦寒朝發受降城暮息金微山道選從征
人爲言戎車嘽邊城未寢烽鼂骷掩草菅君行儼逝水注海何
當還聞言涕汎瀾起視星闌干

陰雲接大荒瘴癘古多瘡主將委肉梁軍士饜葵藿崢嶸莫府

地尺咫析悲樂主將若朝華軍士同秋擗朝華孕紅蕤秋擗歌
黃落黃落秋爲期春轉嫣紅灼

良人賦行役思婦鳴瑤絲邊懷零雨濛靜寫商絃悲一彈別鶴
翔再鼓寡鵠淒上有邵女吟下言莒城隳我欲賡此聲未識謳
者誰詆言遠征人請廢無衣詩

譯石門和夫氏希望詩 二首

波蘭石門和夫氏創製愛斯帕蘭脫文字泰東稱爲世
界語氏工作詩以希望詩爲尤著依意譯之

殷殷我思異鄉同堂遞我好音颺旋八方有若緜羽踵風聿揚
翩聯遠將覃息遐荒 其一

青青劍劔髓液凝腥矛戟聿脩室家靡寧緬瞻大園競詰戎兵
俟我喆人屢民於平煜煜新蕘眾斲其萌邕邕啻音洽我紘瀛

其二

金陵城北春游 已酉

曠眺怡素忱清遶濯塵軌俊風噓暄柔宿莽演繁祉嚶嚶止灌
鷗鷺躡林雉蹊紆疑絕踪徑險凜折屐東瞰融湖泓北矚崢
陵峙且罄覽景娛遐嫻登臺旨

從甸齋尙書北行初發焦山

別景析萬揆哀樂相嬗周涸鮒志响溼飢鳳奚穴幽連璽徵揚
牧樓臚指皇州絢旂藻行川鼙鼓振嶺陬明撻矧貂蟬賓從掙
琳璆跂予飛蓬姿覩公英蕩搜躡屐辭焦岩展舲泳滄流丹橘
傷踰淮孤搭歧首丘亭亭鄉樹睽泚泚溟波浮拱揖江側峰絕
目天盡頭

答梁公約贈詩

烏吟闕越響鍾琴戢荆音之子貺嘉詆感念淒余忱挈闕化素
玄綢繆抵璆金發篇思與積誦言情難任楸桐有直條杞檇無

鬱陰橘華昔辭枝枳實今盈林所幸蘭槐苞不忘糜醢湛淵玄
穴墳素靜默練德心載賡白珪章用疇良侶箴

秋懷

人生若薜華殷憂迺靡涯閨婦感刀尺征夫惕輶笳淵邃孰測
端觸愴中懷嗟况我失路人靜值商氛加仄聆颺風擎起視長
庚斜茅秀弗崇朝菊精豈再華陽波激逝湍羲御无迴車默閱
候序移漸若淵陵差所以偃侄子長跂登朝霞

得陳仲甫書

天南尺素書中有瑤華辭舊好見肝鬲崇情凜箴規伊昔志標
舉奇佺違塵羈縻昱雲雨乖儂互陰陽叱跂跂躑躑閑蚩蚩千
丘飴翕羽企擢翠鍵足奚絕繡俛徠蔣阜根掩息揭石坻河檀
餘穹條場苗無豐穰塵冥冪不圍曦逝暉何追人情隆藻粲君
子傷金屎所希珠璣昭爲澣練帛緇秋芳紉荃心春榮鑄留萸

媿無雙玉盤酬子琅玕貽

詠史四首

少卿債軍將汨跡單于臺帛書弗渡漠酪漿猶盈杯河梁愁雲
逝冥埜玄冰開擊柱鬱孤痛撫環空低回

敬通入東雒誓憩鄴山陲周墟寄遐矚晉峰縈故思離塵跂高
引陳書終呢訾蕙堂芳空燁枳籬苔已滋

孔璋慄喪亂未得韓江歸規何策弗讎檄曹忱已違騏足有時
繫勁弦不可揮俛慚振鷺質仰嘆羈鸚飛

孔璋作鸚鵡賦中有
抱振鷺之素質語見

藝文
類聚

顏推豐粹言靳驂儒家流劉略惜未纘倉詰語冥搜浸漸絲色
更噴沓琶音稠悔纏漳濱跡翹緬長干游

勵志詩

麀經殿六藝素臣屬左丘勸懲史託魯替凌道愍周藻文絢雲

彩蕭斧森霜秋蘭陵軒誼寧北平貫緒抽漢例崇便秩晉說迺
督猶洸洸賈服書祖考劬纂脩蹠實繡輦逆攬佚湛珠鉤賤子
恫恫姿竦標先業休迨時失播穫曷云醜芸苾踵武岐似續騰
詞祛矇冦闡同節翕符掇異置區溝櫛句在理芟詮詰崇緹幽
辟若純樸樽无侈丹腹流遷史諳揀差歆曆洞迪繇庶俾壁經
業永杜何范培僊俛戒稅志礪錯傷寡儔鍤金古有訓勉哉屏
息游

游天津公園 庚戌

商思對韶景羣彙閱研淑及茲春木芒迺復跂游矚陽氣施孚
微宿雨休溟沐徑駢藥畦歧橋轉葭池曲柳稊漾短青桐芭茁
纖綠麋麋獸走林喈喈羽遷木寓目物自怡撫候時空促流連
金谷吟曼稅河橋躅

折柳詞 三首

白紵璇閨曲雕輜錦陌塵芳心弗可折應妒柳條春
愆我朝陽夢暄風不可期柳花如有信應付玉臺知
玉勒金絲轡青驄踏翠歸莫渡陽關去輕塵尙積衣

季夏雨霽游北洋公立種植園泛舟竟夕

海壖蘊暄氛塵陌愆新寒緬懷陰曠游屏邊離炎燄郊痕逗疏
樊璜影縈曲湍萎木苑菑翳彩卉紛編爛慘差陂茁蒲曼擊風
鳴萑蜺蝶揚靜響春箕播文翰橫瀾維縛縉泳川狎漪瀾警耳
礮雷闐泫裾霏露霽裨延謝絺服飪饗傾筠簞睇眄物滋適闕
仰情彌寬折麻緬陽阿伐輪慚河干无忘挹潦清庶踵臨濠觀

新白紵曲

鞅鞞寶袜鮮支裳纖襦直裾皜鬪涼香屨揉韋玄雲光雙璧裁
鏡金溶璫殢莎辦綵氍毹張綦綺搖丹蒸縹黃晶缸瑩輝燿瓊
芳商絲曳響秋宵長曜靈舒魄窺謬廊蘭枝團露珠瀼瀼津漢

無梁休斷腸
滂池應有鴛鴦翔

秋思

宵夢蘼蕪徑
秋心蘭蕙幃
排雲蟾半墮
俛露鶴雙飛
瓊瑤湛洛浦
珠珮謝江妃
爲恨南來燕
空纏錦合歸

題趙受亭黃山松圖

鴻濛三天都鬱浹
精氣萃貞木
隱獨榮蟠株
側崖隧衝颺
厲脩條凝雪
浣勁翠
自惟孚筠質
甘儼樗散棄
桷榭艱斷榱
斧斤謝天勦
何期丹青手
未忍幽姿閱
咫尺練素間
磔柯標奇致
猶含出塵想
惜偃凌霄勢
林空玄鶴戢
澗老螫龍寐
會當破紙飛
孤嶺任茂悴

夕雨初晴登西山重興寺孤亭

孤亭插眾岫
雲石媚幽躡
登儼燿燿曳
攀屏櫟楫雨
旌夜星見浪動
颭風颺圍雲
蕩有無灑泉互
現伏苴藜黏寒碧
沉瀝凝

宵綠竹闌軒流耀葉墜驚警宿遐瞻契穎蹤靜蹈稅檠軸未攄
悲秋忱且炳游宵燭

送諸貞壯

商籟肅淒響越鳥驚流光朔風驅羈羽不得晞朝陽豈爲淩氛
矜弗懷馨毳傷岡梧自奉萋竹華悴嚴霜北林集苑區悞媿鷓
風翔顧瞻賓鴻南軒翮搏旻蒼荆山富貞榦露杆青琳琅欲從
川涂脩矧憂眭羅張安得斗與箕化作銀漢梁

西山觀秋穫

羈翮攸軒翥伏獸志遑馳汎湛暄濁場想像嶽嶇奇京西富岩
谷眾峰競剝施譬彼瑗與瓏抱拱遞合離流目極垠堦蹠身忘
嶮巖纖林闔鬱煙憬野繡商颺巖居十百家墜隰區齊畸施蔓
瓜絲蠻疏穢禾倚移西成幸便程旨蓄今可期眷懷歷陵耕庶
瘳衡泌饑揮手剗塵嬰長謝衣化緇

宣統庚戌八月二十日錄畢付刊 師培記

左盒詩續錄

左盒詩錄三

儀徵劉師培申叔

八指頭陀詩 三首

法雨頻施象教宏更捐雙指證虛明技又技即支字見轉陋溫

歧薄屈戟翻啮衛輒輕左傳哀廿五年公載其手公計八出儷

四永偕膚制合禮戴記投壺篇云室中五扶案扶即堂上羊傳扶庭寸而

合之膚正詁曰四用三恍睹又文呈古字象三指之形蓋上篆古文

指為膚此其證也也

以三表其眾多以計數也故先民計數垂遺則近閱西人羣學書言

數者中國太古亦然指止於五故數恆限於五中國文字以

十四年傳已發明古為誌方名及卦名代計指稽數之說

起度見周官雖傷一撮虧說文撮兩指撮之也漢書律歷志云四

數該三五狀非畸訪經休惜蛇傷顯法顯往身其毒時垂戒遙追

象著倕呂氏春秋曰周鼎著倕而斲其指先王有以見虛一數

應浮大衍斷雙理亦徹駢枝見莊子洵知八字音通別古字八與別同說文

公字下云分也從重八八別也亦聲則八字即古別字故分字公字均從八又說文公字下云八猶背也背亦歧別之誼分

別常獨契佛思

藉甚詩名震甬江常留寸跡著經幢揮琴應使弦增一適履應
嗤趾截雙再別匪同和氏遇片言難屈霽雲降即將喻指參真
悟省識莊生說未曉

傷女頰二首

梧桐墜西軒蜻蛚鳴何急思爾隔重泉撫景滋於俛仄聞籟音
冷鬢髣爾呱泣涉室牽牀帷惟覺蟾暉入架側洩長書爾手昔
持執指編意若稔欲語詞終濼潭潭六書誼希爾髻年習何期
玉瑩質不遂芳華煜恍疑朱鳥魂春至秋復蟄佇立忘夜深清
露襟頭浥

昔讀仲任書短脩數實然葳蕤木槿華弗匹冥靈年皇天豈不

惠大運多循旋詩人謬隕茗君子傷逝川物情懷搖落矧爾長
相捐熒魂爾曷休微顏豈終妍匣中文襟裳黃塵集何遄聖周
不盈跬榛薄紛盈阡掩噎陰岫雲眇漠蕭林烟命駕巡爾丘暝
色瞻芋眠

雜詠三首

穴空知風瓶冰知寒天災所游著策無言
乘騮匪喜躡虺匪艱孰云砥道羊腸岷蟠
瞻彼中流白石如丸我欲轉石惜無回瀾

烏孫公主歌

胡箏撥怨黃金徽塵轂凝香紕縵幃鏡裏青鸞知惜別歌中黃
鵠寧羈飛狼望春花雪絮積龍堆秋草陽暉稀到此應輸青塚
骨芳魂猶共珮環歸

滬上送陳佩忍至杭州

冥鱗絕寒彩越羽流商音尺咫通滸瀆爾我同滯淫語君進一
觴余懷實難任遷木昔同條巢枝今異林中雍忘溼灘楊舟有
浮沈載馳岷壘鄉息偃滄溟潯南箕曜中天谷風噓重陰眇綸
休明章婉變江姝吟黃裳豈不珍葛綌難爲襟所期揚水石化
作雍都琳睠言礪礪資悵望孤山岑

九江烟水亭夕望

夕陰澹薄霽洪輝宣景炎眇懷傳原蹤延佇彭離帆浦闊雁居
渺梁空鼉跡潛牝谿皴烟縠竅籟琤冰簾峨峨亭翼雲瑟瑟湖
開籛朱櫓媚晴漪綠陰藻文檐瀾澄試容裔嶂遠瞻巘巖卽景
萃忻戚睇物齊洪纜坐惜萍波遙矧悲蘭徑漸會當擷紫芝無
爲悵蒼蒹

舟中望廬山

晴巒媚烟水蒼紫紛凝岬辰光爚陽陸珠影苞陰崖仰臨衡霍

雄遠挹閩岷培大壑聆苑風寒湫激晴雷撫景有餘妍歷境恆
悽懷爇輪斡地維海客勾塹垓險阻今杭莊馳道蠲瑤埃九陽
輝章宇絢爛丹成開感念禪誦林重睇中天臺運流有灼寂質
文遞移推大鈞型眾態鎔物無甑坯懸知百禩下綦組葢菹萊
玄扃委化多靈氛無去來

橫江詞 四首

橫江風波惡妾住橫江曲語郎行不得郎行車沒轂
磯頭同心石是妾艤舟處石痕渺何許洲渚今非故
花驄昔何繫門外青楊樹爲郎今折枝欲折無舟渡
望郎郎不歸渡口盼歸船莫上瓦官閣白浪高於天

花園鎮關帝廟夜宿

溼雲蕩重幕翔陽局九陰策景罔浪鄉總轡招提林浩浩朱衡
遷潭潭玄牖沈壁碣闕微迹幢鈴揚遂音罍塵嚮晦積塔籟先

秋吟噪枝宿鸞警緣壁飢颯噤篁烟織錦篠果露零珠檣睇眄
眾態臻愴怛中懷厥冥塵無夷軌蘧廬豈遐心際此去留會羈
思安可任

黃鶴樓夕眺

巨勢翕江漢峻岨鈐蠻荆峻嶒峭壁巉拱側孤磯撐躡蹤謝軒
躋游目欣周營挹挹炎颯噓暝暝曠曦明朱衣組雲綵素練淙
濤聲黃圖豈遠規羽丘多化城重隅翠堞合萬突黔烟生矚矚
極堦垠洞煥窮崢嶸屈渚閩靈觀眈臺韜愷情惜無曲沮懷空
滌滄浪纓

升天行

柔翰蔚冥契玄筌豁靈居耽凝幽始遙邈轉盱真疏道逢西姆
鸞俾駕王喬鳧矯塗絳闕扉輝翻朱陵都丹霞絢晨郭碧漢灤
秋渠黑華穀四照黃條桑五衢斐斐簞蘭馨的的沙渠舒蘿烟

嶠峰鶴桃雨琴谿魚延目情未終眾僊恢元樞歌韶延夏開司
囿侔陸吾排霄羽帔舉逐景流駢趨芝綵麗瓊扇棗花韜綠輿
露凝漢浦佩風奏商丘竽紫芭撫荔實翠穎撻蒲菹緬茲上景
娛靜覺澆波濡願謝九域丘領心三元書玉瓶漱靈津金杓滄
玄珠何必困株木委形湫塵區石火鮮恆暉朝陽倏西晡不見
蒿里間斂魄無賢愚

游仙詩

仙陌噓廣風靈崖蠲堞塵羽旂煥重阿虹裳暉城闈熙哉元靈
謠欲幹鈞天春何以誌綢繆纂組千百純瑤函與君期惜無楨
水鱗丹丘富穹谷絳浦多迷津安得比閩華糅爲焱車輪仰橫
星漢端俛極坳埏垠

大隄曲 八首

雜珮何鏘鏘贈君君勿誼上衡下雙璜中有蟻珠魂

桺柄爲君轅赤棧爲君轂堅心君弗識化作君車木
椒聊不可析朱實裹如裘儂心不可剖中有相思苞
葛藟施條枚同心不同色君爲玄粉純儂作青苧席
青青樸楸枝裁作中堂櫨勿訝木心溼碁巾多淚珠
行行重行行紫塞三千里君行儻可止願作中田芑
綢繆復綢繆送君木蘭舟孰云揚水狹一任束蒲流
搔首望城隅思君忘晦朔混混新臺流玼鮮安可濯

蜀中贈吳虞

三首

素絲傅魯紈裁爲雙弋綈回紋匝絲周四角流蘇垂欲理菜无
崑美人解其纜七襄愆報章斐錦鮮秋機緜緜牽牛箱歷歷長
庚暉啟明弗爾昭念此摧中懷

盤盤桓是峯阿坂艱且夷子行夫如何適與嶠嶽期寒溇沛晨
葩菀柳稊癸枝濯淵滂馥多欲采秋萑希鷗風亦有欽鳴鳩亦

有懷咏言罹昔瘥天伐焉克睽

昊天霜露多玄陰渺无極之子罹百憂感此遷听夕周流倦間
關標蹇疏夷憚遙遙行邁心弗識中田稷稅跡允天仁疚首徒
心怒浚郊有組絲斯理期君析

晨風黍離干旄
均用韓魯詩

蜀中贈朱雲石

勁弦無驚羽喬榦無曲陰之子挺明德弱齡揚妙音朝謳扶風
章夕披東武吟寶劍七流星白馬千黃金攬騏游俠場迴軒文
雅林凝颺結晨轡微霜變春岑西南遘閔多喪亂天難謀願挹
滂池流無俾樵薪堪巴檄闔霧霽邛車狎嶽崟無爲效蜀莊垂
簾矜冥湛

述懷一百四十韻示蜀中諸同好

漢業暉天德乘時豈異人蛟螭頻失水雕隼竟離塵浩蕩新機
轉栖遑往跡陳吾身富憂患壯志豈沈淪逸致凌蘅鶴遺聞對

木麟錦篇梁苑鹿寶幃魯郊駟聞吹思游宋褰裳罷涉潛鼎膏
貞玉鉉篋縞麗綦巾海筏愆徐福崑珍笑郅詵載驅征捷捷多
難誨諄諄朔氣方噓毒羣黎尙遘迤薇紅疏北伐董綠夢西巡
京洛滋蛇豕乾坤穴介鱗遼砧榆月曉燕笛柳烟春駝帳金杯
酪貂幘綺陌輪冰寒玄獾集颺勁赤鷹隣閭圃猶堪憶幽陵已
不神中原富蕭菽故老泣松筠蚩野滋蕭瑟黎天幸耀焯燼灰
燭有鬲溫律幹伶倫往訓褒殲遂亡徵兆降莘枌祠無白帝草
澤屬黔民都士思臺笠小靈效燭銀軒祥萌土螻姬制迓郊辭
漸覺洪鈞轉猶煩漆室呻散舟期夏癸標劍弔春申感念靈脩
遠咨嗟舊牒泯徵文空杞宋祝髮侶甌閩蕢燼鍾陰燭楓魂冀
塋燐戈痕延日馭鐘訊警霜晨無復鯤鵬息翻虞虎豹旣援琴
樗里引滯跡會稽踐汲澗驚多蜮潛淵愧隱輪漂零鴛渚窟局
踳皖江濱草逐青袍黯花迎絳幘新五銖縈故業三戶奮孤臣

鳧信聆萑澤狐篝箴棘謹儻攜濠泗傑應復沛豐禋六鎮終戡
魏三良惜殉秦不逢諸葛恪空負九方歿寂浦淵鱸察寒更國
狗猜劍虹韜薊闕簫月咽吳園處晦夷垂翼知時良列臙羽凝
柔扈皎尾撥藻魚鮮涅彩丹丘穴珠條碧海津鯨潮橫鐵弩鵠
鐸曳金鐔問俗憂增切開編意益振哲人貴齊物彼美競工顰
幻術弘凶極中樞鞏北辰苕華編戶擾槐石外朝詢鄉論周三
物都官漢五均錐刀山國軌皮幣水衡緡鐵暈纏青宇瑤光絢
紫宸蔓蒙中埜棘溼浸沆泉薪世已洪波汨功矜息壤陘淩陰
鈐坎窳焱火蕩坤垠浩劫移今古蒼生有屈伸由來民憤憤莫
返政淳淳思挽中天運潛移率土瀕用乾無首吉遠復獨心醇
濠濮知魚樂容台汨馬真素文先灑噩彤臚謝份彬草昧今雖
遠華胥或可臻井瓶模水准離缶笑陶甄鷓遂巢林適狙忘賦
芋噍樽占衢酒設裾化裋裳貧赤野輕捐玉朱門範指困銀河

應洗甲繡暇盡區畛此誼共財古初基偃武仁七襄鴛織錦獨
縷繭抽綸登籟融遐域勞歌燦大鈞蜡游曾嘆魯狼跋又謳幽
自昔諧笙磬曾聞鑿齒唇杵氛期共滌蓬問悔空賓櫟社陰猶
合桃潭恨莫湮木萎風習習榆逝日逡逡嘉遯原貞吉求蒙惜
往遴悲涼駒谷怨惆悵鳳臺姻未惜乘桴數其如脫輻頰蒨霜
淩雁鶩桐霧化鴛鶖風雨羣離索雲雷命蹇屯濯淵萑淠淠揚
水石粼粼一自金柅繫難忘玉佩紉困株三歲木泛梗五湖蘋
鷓老常栖梓蠅寒更集榛葭愁杼蔡女竹淚竭湘嬪周錦翻成
貝淮珠靳獻蠙藩空抵罷觸笈密鳳知馴玠石疏盱豫瑩珪厲
慄恂緬懷滄海鱗愴怳苑林鷓蔣阜寒株老燕峰古黛皴征鴻
翔肅肅挺鹿走甡甡浪跡輕艱險孤經尙率循謏聞血化鳥絕
筆角生麕祕緯齊方術微言魯縉紳逸馨攖賈穎沈焰郁虞荀
紅豆敷纖豔青藜悟夙因鏤金功弗舍攻錯道無鄰絕學今人

賤殘編幾度攜羸灰終寂漠雄閣轉淄磷北使頒英蕩南材攬
露箇贈珠悽漢廣伐輻愧河澹小別辭鄴郢征途折益岷江門
緘豔瀕溪嶂蔽渠潏朱綺楓崖晚黃棗稻隰勻枯松曾度鶴疏
楛尙聞螻竇布拳槿筴黔羹饜竹芑巫墟螽趨趨梁微蝮秦秦
涪郭頻牽纜渝波偶泛輪瑄噤鄒衍律璧闕卞和珍往節熒丹
史豐碑缺翠堦浩歌餘野哭嘆逝誦車麟諭蜀猶中道亡胡已
浹旬楚車新筆路秦轂舊文茵越甲思鳴鏑并謠證服衲猿愁
開峽柳烏夢警齊柸赤劍鋒三尺玄圭組百純昆輝炯瑜瑾遼
彩失玃珣杖杜休征獵苞稂待勞郇威儀官秩秩原隰旬昀昀
諸夏方旁午嚴秋又餞寅已聞張撻伐未息度嶙峋哀思縈楫
杞歸程闊括椀月寒聆杜宇颺急夢聞磷冀奮天吳勇難箴檣
杙囂白旄軒子子絳節戢旒旒玉壘橫戈數銅山伐鼓齧勞旋
鷗曜羽近愍象焚身驕將懲嚴武雄才進馬璘帝心隘赤縣吾

道付蒼旻獨客羈游倦羣公意氣親經帷恢李譔文囿擴蘇洵
未覺荒秋駕相期凜夕蚤龜圖昭坦坦雀瑞辨齷齪自分同朝
槿何心慕大椿淚漸泉客溢材謝匠師掄負石紆岑寂懷沙訴
楚辛火痕綿谷樹鄉夢泖溪蕤風絮琴三疊滄桑鏡一眴彭殤
原自定不必問嚴遵

浣花溪夕望

擘思緬往懽幽尋憬孤策林霏澹霜辰波鏡舒烟夕零零湛露
晞瑟瑟流塵集緒風結孤忱冰籟警淒魄遠游思何任苦羨翻
飛翮

陰氛篇

陰氛煽嬖薄佻俗盛賈胡天苞摛玄蒙靈斧揮神樞風伯甘轉
輪電母供摛書司煊薦金遂奇肱蜚羽車華景展流州神光移
漆吳桔臯漢陰木璞石鋸鐸爐海錯張千名川珍羅萬殊透迤

錦纂場綽約金銀廬重屋殷四阿列壚漢五都飛拱粲重霄回
軒開曲隅緹屏雲母扇火樹珊瑚株丹庭枿欄森碧野蘋莎敷
珠塵璀璨夜光鶩服鮮春腴藻鳳九華幃花驄七寶輿鳴鑣踰
市擊轂康莊衢弋綈起隱珪荷氈輝綺疏帶鞞紅韎鞞裘羽青
氍毹朝集博徒窟暮顧名媛居楚妃爲損腰碩人悔凝膚蟬穀
作上綃狨裳裁下裾軒軒疇影張泠泠琴音愉苴蘅襲金馥葡
萄醅瓊酥舞蹈未終曲坐惜圓靈徂隩火鬱餘溫焉念寒無襦
朱門富愷耽鷲儀尠康虞樞桑黜塵彩瓶粟空斗儲魴魚尾方
祥鴟鴞吭瘁瘖玄化有偏詖尺咫溝苑枯俯憐井渫寒仰慨旃
茵娛四運若循環繁蕩難久舒楚楚蜉蝣裳文彩不須臾化人
無璧臺赤烏亦榛墟三歸終小器千駟賤餓夫般斤豈弗珍桑
籌焉足摹相彼蠡蟻羣殊質相役驅人生秉恆格窮達寧相踰
明星怨服箱陰雨嗟薰胥睠茲役車休未覺日月除願攜薪野

淚漱作崑岡珠孰云河不清跂影徯靈符

八墳篇

八墳匝維絡九天多隈隅天地有沈浮孰云榮弗枯夢游良懌
怡控飈焉所如仙人導我行爲言窮六區西攘沙棠實東溥搏
桑株蹠音朱陵庭濯景冰夷都俯爚九陰窟仰軒八景輿啓彼
洞清源造此鈎陳樞辰阿範羽宮玄涯淪靈渠甘淵爲混濶寒
門爲闔闔琅峯踐爲城礪林周爲郭襟以暘谷汧繚以闔闔閭
當關虎豹旣夾道青龍跌絳鳳穴其巔黃麟遨其陬前野錯榆
相後庭植桂櫨雨虹纓金闕霜日澄瑤鋪嘉卉弗知年大椿與
古俱膏輝玉井洵砂熟圓丘硃眇茲遐境恢未覺中溘踰眾眞
茫天騶輕鑣燦華腴璧月麗芝蓋琳雲垂藻旃六瑩娛化人九
光降離朱操翳舞代駒鳴琴招鱗魚鈎籟揚妙新秦簫吟太无
撫御元降章敖佛消搖墟玄範不待雕靈顏一何姝借問此何

方答云元始居受我世民歌栖我清華廬瓊蕤綴我冠蓄草輝
我裾朝從淥景游夕睹丹房娛昌圖擲羽絃雙成貽紫襦爲披
纏璇章中有西壁圖綺文碧林字銀檢青泥壺相期匏瓜廷拜
授金璫書妙領運億津靈發躋三塗良德信所欽大文未可紆
一盼玄構標再視冥情攄三復身世非寤歌滋歛歛衆鳥各有
趨十洲寧足拘寄語世間人六龍驤天衢

大象篇

大象无灼寂夢覺均斯須鵠鳥識風化涸魚忘江湖離跂桎梏
中攘臂嗤墨儒內健苑性淵外獲洪情郛心芟萎陽策欲穎滢
陰濡意物育三惑張編羅萬殊煜煜蜃樓憧憧虻嚙膚四游
有積遷百感森憂虞汎景神轡揮罩彩天弢舒游颺遷靜淪慧
日扁冥樞素德喪厥標蓬心安可祛至人玩妙鈞畸士笑守株
尙習希惠津達觀闡洪爐閱我八墳篇語我真一符人身眇微

物漂若過卻駒淥水春冰華青條秋露珠凝釋在一朝幻化淪
空无大哉靈明資流渟恣所如萌肇剖蘊蒙玄根闋型模金胚
曠華灼瓊刃游方岫吾身豈所託偶託終遽廬有如銀蟾津噲
以金方諸明水乃無涯鑑形多遷渝儲液輪郭間奄召睽玄初
得象在遺環爲圓梯破觚鬻骸怒返形靈羽期搏扶滯質非元
同遺物斯恬愉清虛真宰存寂滅天倪孚柱史珍无身鄒賢賤
養軀漆叟緬豨韋列生譟華胥觥觥復初訓萬譬同一塗載魄
晞朝霞游魂周六區鸞鳴謝啾啾蝶化昭遽遽太清神獨征神
征形不俱簫閣闕鳳吹弓湖稽象輿不見秋至草寧迴西日榆
吁嗟逐生客耽綜遐年書羽霓絡塵纓琅圃恢歧衢迢遙殷鏗
室諷詭秦倉圖吾思耽喜術本物溝精粗泯熱譬焚澤無櫻徵
墜車所真非我形在物終游華有身物自賓誘物神斯拘曖曖
五纏糾睽睽雙玄疏滓渥無素沙映濁忘清渠弗聞糟葶沈漸

惜熒魂枯木萌有枯亡草燼奚重蘇九天縱可躋羽化儕鶉鴛
天齡矧弗延超劫惟蒼虛境虛塵弗栖蜚龍焉所趨何不寂色
身三幡歸一無無生亦何傷有象非真吾穎關指真宅獨與神
明居何必栖形影迺生死亡途願子植遐想熙心滋內娛慧炬
熒靈薪瑩泉沛神蔬摠德貴忘筌遺形基損餘妙運皆自然攝
頤非吾徒聆言意仿徨俾我元思紓邈悽霄漢昏靜慨川谷洿
偷俗凋粹淳眾芳蕞穢蕪羝羊冥觸藩鷄雉甘罹孳彌綸囂濁
陬焉知舟壑誣誓息域中駕旋真雲根都絜心白素絲閑慮青
簾篠巽風條穢蠲解雨葩精敷濯性澡寂波揮玄拂塵墟闕闕
窈冥門潭潭昌盍閭歸魂自有鄉大招謝靈巫

詠史 十二首

嶠谷駛六蜚華渚策九虹六蜚無朔南九虹有西東昔爲瑤光
星今入幽房宮大字多阿池飛躍齊魚螺五鈐未可甄六節疇

能通何不逐離光綯髮歌陰風

其一

狇神出長淮六龍帶悲音羲馭有真宅不必博桑林都士歌狐
裘風人慨魚鬻驅我白羽車謳我金天吟軒臺闕靈蹤稷澤今
蹄涔木禾不結實董草敷重陰側聞羣玉山冊府森璆琳發冊
披河圖華胥無近尋玉羊闕華峯金雞思岱岑長揖謝泰皇天
椽安可任

其二

素矩無罅垠雕俗顛樁恆不聞朱絃越寧知玄酒升五德筦始
終三正輪廢興殷樂付摯干夏祀餘杞鄴欒釋車前轍綵帛弘
岐繒昔履芄野霜今睹明都冰否泰有平誠高深移谷陵雜縣
殉鼓鐘丹鳳怡巢槽所以漆園叟長跂搏扶鵬

其三

泰符闡元宮燎彩開神州駕言發奉高上陟梁甫丘龍檢舒玉
苞鳳牒涵金膠上有丹陵甑下有山車勾捫功齊百王陪轂馳
元侯東皇儻可臻帝德誠無迷岱雲不崇朝玄景驚西流綠莫

戀華春黃芝怨藻秋靈運有詘伸譬彼寒暑周借問悲泉女寧

知玉儀游 其四

春賓岫夷日秋餞柳谷陽璿輪運七機尺玉無停衡豈無瑤華
珍疇能久芬芳解珍貽所欽辭我文府堂卿雲亘中天八伯休
褰裳不見大鹿野潏然歌帝唐 其五

百川安可滌天怒方遄回萬邦根食艱九域珍輝開燦燦夷水
珠灼灼荆山璣珠璣不我昭中有襄陵哀 其六

穆野徑千里中有雙龍飛華蓋暉赤霄玉璜炳朱輝借問操翳
誰無乃夏后開將將笮磬音萬舞聞天扉康娛天亦耽顛倒三
靈妃遂令九辨樂不共靈韶歸 其七

駕言適亳都東眺洪河流薄亭亘其西太華繚其陬火鉞頰炎
華紕鬪鮮霜旒黃鱗爲沈珪白狼供銜鈎三腹荐寶玉九囿擘
珙球問君何爲然簽云荷天休鑣宮有吉靈江水多敗舟駿龐

昔異遼貍貍今同丘勿逐牟光塵蓼溪非澄湫

其八

檀車無停軌周道悠且長借問君何之四牡征朔方憶昔初別
君獵猶未襄倦懷君子車旃旆馳央央薇黃知歲深杞綠知
春陽日夕雨雪霏魚簞凋胡霜崔嵬縱易躋君馬嗟玄黃南山
有殷雷汝瀆多楨魴覽序懷所思會言安可常夕聆草蟲悲晨
睹倉庚翔黍華昔盈疇繁實今盈筐不見焦濩間颺風吟國殤
請韜大武篇一抉金版藏陰鈐不能言試訊璠谿璜

其九

趨車適京雒願觀大教宮八窗豁重軒九室垣崇墉明庭知屏
陽應門司藩東辰極架璣衡隅流型璧琮靈魚泳南沼皎鷺翬
西靡淵淵斧辰張屹屹玄扉崇嗣王沛緝熙百辟虔蟄恭多士
頌諫臆方國輝袞龍十夫陟殷儀三恪賓虞公荐琛姊妹珍服
猛屠何熊明德裕多方鮮光迪前庸輝台知瑞雲囃律知祥風
六氣迓嘉休五璜開昭融太和儻可俟相期臻大同

其十

入亦無所唵出亦無所謳請息四座喧聆我歌成周雙闕壯臺
門五軌枝中馱檀車馬四馱錦繆龍九旒八音協睽矇三田馳
梁騶射狝發未終賓筵傾千羞湛露耽綺宵鹿鳴歛素秋主稱
束帛貽賓拜金疊酬純嘏貺苙林樂湛揚孔休不惜側弁俄所
嗟日月愒何不沂南淮伐罄艤三洲豈效舟人子寤嘆熊羆求

其十一

仲尼昔栖皇儒風恢魯鄒低回彼黍章憫傷王轍休文質喪恆
宗章編靡近求空文奚勸懲寶書資迪絲舉正二儀中輪化三
正周五始囊坤乾八枋移王侯綿綿經禮延馘馘火德修感茲
大角靈願言中央游赤書蕩魯塵黃瑞闔軒丘崇替顯百王焉
知姬與劉感精無元符更制終心擘璜玉儻昭靈九陰燭玄苞

其十二

凌雲山夕望

驅蓬邁孤征，策尋幽踐。岩居副遐曠，野好資凌緬。懸臺起層
阿，迴崖抱陁峴。溪回清宇開，徑密層盤轉。霏雨蓄陰墟，烟霏靄
陽巘。仰瑩積雪寒，俯弄層冰渙。青壇陰夏寒，元扃闕冬煖。陰陽
襲慘舒，水火資舒卷。感茲玄化超，未惜虛舟遠。素想終勿傾，靈
踪孰爲闡。沈冥理不隔，棲物情誰遣。羣籟亦希聲，予懷勞繾綣。
重慶老君洞夕眺有感

仙臺佇靈氣，岩扃鬱幽緬。回軒眺西岑，拂駕凌東巘。潮回列嶼
平，景仄羣峰轉。叢崖陰脩竹，絕磴凌蒼蘚。岩虛露氣清，川媚冰
華泫。飛光蔚霞堦，曳素淙湍練。懸蘿藻碧瀾，綿英翳朱坂。慰茲
岩壑情，到此驚奇踐。綿情緬古懽，惻想淒前眄。雖無濠濮懷，睇
目蒼波遠。

題江永澄春湖載酒圖

溪亭交緒風，融景稽澄華。周游倦闈闥，凌緬晞陽阿。重岩睇鬱

峯回渚淩滂沱蘭薰懌臆鷺桃溜熙鱗鮒愔愔淥水章嫋嫋滄
浪歌結言發清揚合簪貞柔嘉思賢懷拳裳卷跡希盤邁一爲
新亭哀渺言望山河

題文綺盦溪亭夏燕圖

大火貞昏中炎光燦南溟雲漣澹暮姿日鏡舒晨英迢迢融景
延陶陶層波生葦荏沛舊涯蒲茄綴鮮萌緬斯川上懷言振塵
中纓嘉會良獨難芳口亦以盈嘉魚康故風鹿鳴揚新聲緬吟
木李章聊用酬瑤瓊

題張船山南臺飲酒圖

圖爲船山自繪現歸井研龔熙臺熙春南臺寺者昔改
蠶桑講習所今則幼孩工廠也

江山无靈悶今古景儀嬪代成新故長留畫卷在人間藻績崑
資觴詠補遂寧公子文章伯壯年奇氣橫千鎔諫草新裁羽獵

篇夢游合證蓬萊客三年索米長安市鳳城仙袂飄歸騎笑指

祇洹作酒鄉槐花疏雨城南寺本張詩城南山色背烟蘿曲水題

襟別思多未覺金經翳慧月張詩慧月不受金經翳直遣流光泛酒波畫

圖縹綠春江水半曲新詞題錦字荷鋪曾隨劉伯倫招毫欲問

倪高士張詩當年文酒樂昇平絲管常歌樂歲聲紫宮飛宇纏靈

景鮫綃媚彩傾江城江城舊說人文藪飽擷西英延顥秀委約

真情謝辨雕笑扶苞符闡靈竇吟罷江山詞客老遨頭讌散春

歸早轉轂繇來无百年醉鄉日月閤浮小塵海無端往跡非隔

垣烟樹辨依稀無復寒僧補秋衲似聞紅女罷春機三冬萬里

橋邊住咫尺招提不知處坐覺琴樽異哀樂那堪笳鼓成羈旅

幾回弔古錦江曲獨向郊南訊靈躅柿葉當階夕照黃寒蕪滿

地霜華綠忽睹君圖增太息西音大雅今衰歇青塚長啼杜宇

魂碧珠重燦萇弘血蒼狗浮雲各一時茂陵消渴鬢成絲不須

重譜伽藍記卧聽巴僮唱竹枝

未遂

未遂綿山隱低回稷下冠錯薪勞漢廣伐木愧河干日月跳丸
易風雷啟籥難孟涂如可證早晚訴巴山

已分

已分仄同朝槿何心慕大椿懷沙鈐短什抱石緬礪仁川雨暎
鳴烏垆雷起獲麟彭殤原自定不必問嚴遵

壯志

壯志凌艱險玄風扇弱齡由來均夢覺到此悟流淳未覺椒丘
遠寧聞菊水靈勞生如可息靈化委元扁

嘉樹二首

嘉樹滋春色庭花澹夕陰榮枯知應節開落本无心聊悟無生
理閒操物外吟絲來彈指頃綦跡去來今

歷歷江東樹斯人竟索居守雌周柱史玩世漢相如多病癡行
藥憂生負灌蔬猶慚辨命論應寄秣陵書

答陸著那 二首

蜀都昔餞君褰裳栖故岑夙闊曠朋摺訊歌臻穆音莪馨馥綺
阿蘭豔葩韶林玩藻愧侂佻味響知思深君弘鄒魯風惕懷彝
訓湛棘心昔未揚凱風今來南游鱣亦感絃玄鶴知聆音德音
譬流瑩心冪寧久陰相期性道淵枕闡璇璣鈐玉版稽耀嘉金
鋪革味任惜哉晷運移余衰負南琛

余生萃百罹弱齡輕畢羅翹節五湖陰澡身暘谷波刈穫後西
成挺荔先陽和明晦各一時榮凋奚異柯昔傷井瓶纍今愧槃
阿邁蕘蕘漢楚薪嫋嫋巴松蘿旅平跂蔡蒙謠歎疏江沱五降
弗容彈中聲焉足多感君孔碩懷訊言酬禕嘉上有六月章下

有縣谷歌

上海贈謝无量

倦游良寡懽攬轡軫千慮之子沛清揚款言發心素淒淒聆谷
風惻惻懷陰雨豈无揭車懷繾綣勞鷺釜

哀王郁仁

之子起南域文鋒振音翮清風藻中區華綺揚心極寧知永念
辰渺若平生隔沈憂不可排含淒望鄉國

獨居

獨居良寡懽乘興展晨眺微霜變初條湛露零豐草陰陽有積
遷萬卉遞榮槁沈思鬱无端對此傷襄抱

雜詩二首

惠風颺慶宵翔雲麗紫宮羲車東南來玉羈控蜚龍六轡調素
絲顧瞻無弭弓玄塵從奔軺泉隅寧久悰三辰嬗代多晦明焉
能窮

妙梯接靈淵芳綯敷陽韶層城鬱嵯峨元圃薄扶搖列辰光紫
微鈞天聆九霄燭龍耀神薪青鸞吟鮮條雖無曠世懷緬茲神
詣超重玄運神鋒郢斤未可韜何不策高懷軒舉超松喬

薊烟

薊烟蕩淒懷越峯悶憬吟尺咫申浦瀆爾我同滯淫撫舊詞苦
促攄懷觴傭斟食蒼潛蠖姿點白揚蠅音沈表筆摛藻蔡拍聲
淒琴慨言沙在淄願凜城完金谷菴忘旱嘆口楸志凌陰口口
礪礪資悵望孤山岑

癸丑紀行六百八十八韻

江海飄零日風雲感會時黃圖新北闕黑水古西陲風雨他鄉
別山川故土思星霜歌舞換歲月鬢毛衰往昔三正改留都七
廟隳橋山思劍寫遼海耀玕琪西極駒生渥南河駿飲汶殷塵
清鬪耳周舞集侏儻鯨浪恬交趾狼烽靖織皮南溟無斥鷃北

海有文鯨鳥弋珍輸鳥黃支瑞獻獅三驅胡騎肅萬里宛軍疲
締造原丕顯羣公各翕訛陳謨思厲翼肄雅傲躄躬周政先三
事商箴怠四維簋飧東國瘁政事北門轄化俗資齊紫思賢倦
鄭緇秦諍疏諤諤魯善距詭詭冢宰周家父宗卿鄭罕齏鼎占
公餗覆蔭謝本根芘玉帛殊方集金縉絕域靡六師燔百濟重
險撤三峽世已靈修遠詩歌上帝譖降威殷卽喪多罪夏如台
芄野豐蕭菽勞歌訴杞楸柳原惆嘒嘒蒲社烏諛諛芒苧髻垂
彗輪曦氣暈鑄壯圖生馬角故老話龍漈碧簡書銜雀黃靈讖
顯麒蒼精姬受命赤伏漢含孳舉俗規三古吾生萃百罹拏經
參世業相主九州疇漢里風歌沛徐亭跡辨鄴褰裳歌涉洧煥
藻溯游澌曼衍魚龍戲啁嘈燕雀嗤賦裁梁苑鹿頌獻魯垞駉
波曲川流溧山平地接荏回軒行踽踽振策度昷昷諸夏驚螿
午羣言沛詘謫析觚矛陷盾語瓌指駢跂藝圃恢荆越經郛擴

歛黜化成文，馘馘識小視。覲覲官學資，揚榘邦聞孰。鈇規青箱
高鳳業，黃卷董生帷。柱下餘藏室，河閒許攝齋。蘭燈膏繼晷，芸
帙簡盈輜。孔訓弘多識，莊書恥見觴。清言聆正始，逸訓識延熹。
端策陳墳典，魁杓立斗櫟。芳條奉服穎，餘緒茂京睦。五德周終
始，三辰步宿儷。考靈苞極建，齊政黍銖立。測地窮章亥，占天溯
梓裨。辨名徵豹鼠，肄雅狀蟊螟。玉篆庚辰籍，金文甲乙解。東音
衡莒矩，北語證禾私。文始原根本，民艱尙唎呬。寸心千古事，顯
德弼時仔。南土基風化，東方慨日居。都人思尹媯，往牒溯妘媯。
赤縣期全復，青山幾度辭。曳歌聆甯戚，望氣訊王摛。在昔諧笙
磬，曾聞譬芥磁。秋芳蘭佩結，春酒奠筐醴。誓水資投璧，刑牲伺
錯錕。商郊規秉翟，吳俗富藏鏹。未遂巢由隱，猶傷孔墨儻。悲涼
詢路鐸，牢落牖民箴。往說騰咸輔，濡行筮壯頰。有彪蒙德育，歸
馬夬行越。郡古禾呈秀，亭荒李摘樵。朝榮舒槿彩，秋實熟桑椹。

昔往魚登鮪今來鼠穴鼯新愁迷適越往績勉戡阢繫梏今方
急穿衿未可期徵文空杞宋啓曜乞重黎日瑞開冀莢霜心懋
卷菴闋幽豐旆折繻短井瓶羸浦闕征鴻集郊寒國狗狃琴援
樗里引履結下邳圯周釜鳴僇偈殷戔蕩懌悵緬懷樊圃柳寤
嘆下泉著蕭瑟中林鹿淒涼撼樹虬秋山辭北固春嶼宅東倭
橫海熙鴻鵠知天屬鷓鴣裳韋珍鞞鞞簡帙誦嗚咿東作臻平
秩南箕沛侈鈔草玄宗寂寞守白感磷淄獻璧荆和氏懷金漢
直疑巧言周雅賦讒說舜廷空陰雨烏瞻止炎風虺齧麒麟頤
貞厲吉遠復悔無效文豹終栖穴童羊志絕繯秋霜鴻篡弋朝
雨烏黏竊夙業疏秋駕禔躬勵夕蚤履祥昭坦坦車逝惜伾伾
楚嶺猿聲寂幽陵馬力駸攢柯豐隰杞垂陰密山橋潞浦頻牽
纜津門幾載脂春簾風似翦曉幕雪如篩珠翳祛眸瞥金瘍剗
首死星纏淹析木日景墊嶠峽身世悲莊忌朝冠異孔戔鄉心

生朔草羈夢說南枝越野謳黃葛商巖闊紫芝考槃原寤寐飲
邨夢徘徊逝水嗟何及冥塵祇自底風帆檣灑瀕星野辨颯觜
西土猶殷軫南天已赫戲平林民戀漢簡竹罪書隋素練舒旌
羽青莖淬箭鏃朱綬纓甲組白羽析旄龍越甲陳金鼓滇城下
杖箠晉郊龍見絳秦野鳳鳴郊黃矢三狐獲彤車六馬趨舍舟
流夾漢載旆嶺升陞周旅基徂莒齊盟盛會鄴螻祥興土德鳥
彩煥天睢北伐車如輕東征斧破錡卑溪軍束馬牧野士如離
寰宇洪爐滌當塗景運熙肆經先廣魯述史鑒分郭釋宋荆盟
薄存陳晉會鄒金鉦威上谷飛檄靜盧濊戡代徑踰井恬荆水
夾泚軍恩深夾纊士氣鼓行糜趙夢占扁鵲荆情匿蔞罷玄堂
鐘拊石丹府約書劑大麓艱應試靈場事可知云亭今圯壤泰
岱古壇壝撥本殷顛沛康娛夏忸怩周流萑淠淠行邁黍稷穉
瑞應龍圖轉謳歌鳳歷遙羸車無白馬似命有玄龜日月輝營

室風雷麗壯規百官箴獻甲八政範陳箕遼水舟通鷁高涼野
獻罷八荒戈載戢四國弁伊璣朔毳賓獮鬻西崑敘析支賡歌
懷喜起享祉頌侯禱朱鳥祥儀鳳華蟲彩煥雖宅都深拱衛調
俗浹和眇蓋代洪模闊陪都末俗漓陸梁秦戍卒綿蒞漢官儀
粵俗佗椎髻陳宮涉鏐頤蛟龍得雲雨置兔在中馗蕩滌鴻鈞
轉平蕃福祿臈郎官新畫省都尉舊長鉦函夏車書壹中天爵
賞賤屏藩弘夾輔旌節建偏裨拒鬯周釐瓚芄蘭衛佩鱗上公
龍輅錫好爵鶴陰靡觀象章輝藻垂光葦染茈弓綬韜象弭帶
玉錫犀毗邑土褒庸謝關征資食衫車旂鸞噦噦旗兆牡駸駸
帶礪丹書誓盤盃碧彩劓紆青高衛霍結綠市陶猗巴野金輝
穴河陽蠟代炊雄圖基燕頷舊德酌虬髭北里馳丹轂南宮履
赤墀五陵盛冠蓋七校假橫吹鵬鶚乘時起鷗鴉遠道詒達觀
忘物我齊物任榮萎流水牙絃絕窮邊廣數奇薦差天夢夢逝

隙日晻晻雜語裁尸佼冷淵訖卞隨鼎剛貞玉鉉妬吉繫金柅
川雨啖鳴鳥荒雲感禦魑頤眞從赤斧長往侶嚴僖蔣徑弘三
益梁歌曳五噫故人桑落酒錄事草堂貲自古岷山地能療泌
水飢東西廛背郭深淺水盈陂竇旅輸糧布巴童唱竹筵琳宮
標紺碧繡壤錯青鰲陰火泉融井漉流畝淪池連山開霧轂百
頃漾風漪健翮凌鵬鸚苞文炳蝻螻歌喉鶯睨睨舞翼鶴襍襍
藻綠馳獷獺蓮紅穴醜鼃林寒巢翡翠沙煖宿箴鶯冬馥芬棧
桂春華絢棣移嶺芳撻薜荔陵卉被葳蕤九夏丹椒熟三秋素
柰丞蘅臯華曄曄菹圃實蕤蕤陽采蔭盧橘霜津潤紫梨榴華
遊女折櫻實野人饁方軌開三市通衢錯九達邊氓輸蜜蠟稚
子市蹲鴟彩貝回文錦旄牛截玉斲文紕梳象約脍醬熟魚鮓
珠綵輝江歷纓紋燦耗蚝邊城通笮馬沃野擾岷懷戶種清溪
玉觥稱大邑瓷桑醪濃琥珀芝醞撥醪醺修禊辰維已游春斗

建寅采蘭觴泛羽藉草榼攜榭結佩芳攀若裁琴木析櫟煙痕
開岸杞風葉陰溪橙動植多含態幽偏得自怡由來民皞皞及
此俗吹吹玉燭調華黍和音肅采齊曲台儀穆穆璧水土祁祁
邦緒今方茂從風物自靡錦文輝采翰和韻協馮蠡講字弘鱣
序涓塵竭鼠坻酉山籟第竹乙火杖燃藜在冶金鎔範攻堅玉
切劘籀書存蓋闕陸賦鏡妍歎蜀學論宗派前型植桀穎靈曾
江漢炳俗擬魯鄒遺邁德型龔壯傳經盛許慈璣衡營統歷方
部析玄攤籍甚凡將業餘休羽獵辭碧雞傍綺采白鳳蘊靈琦
綜秀敷茗穎緣波暢藻棗師承綿石室家法守臯比能事原殊
俗斯文信在茲前修貽典則末學浸淫詖舉俗猶傳杳單文愧
引夔游談辭稷下漂景悟須彌象教源天竺馱經肇月氏銜花
儀瑞鳥獻果感靈彌漏日蓮華永經雲貝葉披揮玄遺萬象感
惠徧昆蛟因念經垂訓曾傳德及甌周臺馴鹿鳥魯罟禁鯤鱉

萬物原同字浮生詎有涯玄文龍首律淨業虎頭癡兼味蠲鮭
菜加羞逮粉飡冷槐鮮照著甘董滑流匙浣暑浮瓜實清涼饋
黍醅綠苞葅薦筍紫馥酢蒸莖藜糝羹初熟芹菹醢乍濡雨芽
春圃韭露葉夕園葵雪豔披檐蔔霜齏實皿蕘餌丹啜藥鼎範
素式桑柘情牖猶堪拂玄風或可追湛冥從卜肆啐茹卽山雌
塵夢黃梁熟陽春卉木籠葭藿萌岸葦桃萼綻山梅風定簾睇
燕膏融穴抵蜮物華原自麗多難竟交謹地訝巫咸集天教鬼
伯覩蕭條冠卸鷓岑寂壁生蠟蕉雨聆鶻鴟青煙嘯鷓鷯行雲
庭鬪蟻殘月弩驚蛇玉雪肩生粟銀霜鬢染羣孤燈心繾綣高
枕語諄諄百葉窗疏闔重焙炭束羨芋灰融楮枳粒節餼鬻
久病親桐籙生涯付藥籠林寒風緒結漏靜雨聲響絕學綿涪
叟筒書繹段醫達生兼止託至理契成虧素簡紬金匱丹礪曠
石柴瓊華桐撥乳蜜餌蔗煎飴爲識脾調滑因之穴灸諱蘭池

清曉夢葛室健春虎大道無捷躡神機起蹙痿塵書知蠹篋春
服已懸梳啓戶乾坤大開簾景物滋庭莎痕冉冉窗竹影斷斷
花粉痕捎蝶苔文篆運虬蘿痕明薄靄微潤浥輕霽出郭江沿
錦披襟暑袵絺插禾催布穀編竹生鷓鴣疏柳煙絲暗新荷雨
蓋欹流光驚磨蟻過客倦聽鷓鄉夢紫烏柏羈懷鬱白椶罥絲
捎蟻蠓動股警螽蜚流滯吟鷓鴣歸期說子雉音書傳躍馬別
思惜歌驪鳥杙型柯椽青篋挽竹蠶相風竿定統杼水斗剡榷
鼓棹波容裔維舟暑鬱伊江湖莊瓠落藪澤拓姿雉來厲陵躋
震柔中履錯離繇來梁益地末復武侯治習坎猶重險需沙惜
止泝金隄沿浣浦玉壘別繇虎古刹桐魚寂童歌竹馬騎彭山
青冪歷江水碧玻璃側徑循沙薦頽垣茂竹埤楚華夭沃沃文
柳細斐斐盭畝童炊黍耕疇婦秉鑷曉寒餘蠟野晴色上蠶槌
蜀野原天府先民物土宜魚涔藩鰓鯉豚柵殖豮豮邦稼陳種

稔壚原第薜萑溪聲喧野碓山色麗農襪雉响原緹縞蜩鳴畝
樹隳月明遲荷鍤雨潤洽沾犁高廩豐稔嘉禾誕秬秠畝糧
馴鳥雀倉粟飽蛄蟹觴酒陳牲牡盆縑繹繭蠅升香登黍實遺
秉饋禾稊寒具羞溘浹春塵醉麴麩崇墉禾百室末富鼓干甌
農政前王肅親耕令典垂濯鬯仁澗酌終畝慶噫嘻麥瑞殷天
瑞苗征相地瘵剝鱗沿夏令頌蜡協幽鬻甘雨和琴瑟靈星賚
鼎鼐陳詩先后稷聞樂祖伊帆擊壤民知慶迎年戶受禧飲和
春以嫗介福壽維祺往庶安熙皞新猷急斂積鼎書先鼓鐵壤
賦竭刀錐漑釜魚賴尾窮兵畜餗背譚歌憂杼柚秦令急鞭笞
父老思多稼行歌和楚茨中原方慘黷西極最瘡痍曉過眉州
郭猶餘學士祠荒庭躔麕鹿古瓦宅鴉鷄北牖仍棖桷東箱鏤
壑紙荔丹羞篚實薛碧拭鐘擁出郭餘斜日登舟趁夕颺嘉州
周漢土靈境古峨岷淨土三生業贏糧十日齋地疑塵境隔歸

訝櫓聲遲蒲渚深容楫花溪淺泛麒前游儀范陸遺跡訖班鄙
湔水重源接青衣別派此至今雙瀆合不異二渠廝繞郭榕陰
密綿山葛藟蘖出林台峯列夾水嶺慘嵯升巘蹏蹄趺連峰象
齒齷凌雲森寶刹慧日炫靈姿簪影排新筍班痕駁古落靈源
超帝釋響附協人祇穗獻雙歧麥花飛六出梔此行疑鷺嶺小
別又隄爲黃卷仙人篋丹墀孝女碑故關雄沫若前俗革朱提
燹塞聞班馬驅氓解獻巖和夷今底績邛笮古羈縻岸轉羣峰
出潮回眾壑移金沙紛北匯岷水此東池敘府雄山郭烏舟集
水嬉吞刀程角觝揚盾幻蒙魑簫鼓靈旗集笙歌里俗嬰此時
同一醉前路卽隘陔晚宿江安縣孤城峽水涓朱生今寂漢蜀
道古吁噉賦筆題鸚鵡儒冠薄鷓鷯別來紛琬琰時去惜鎡錕
太息嵇棊逝悽涼楚些悲浩歌餘翰墨歸旒夾靈輻桂酒傾觴
奠桐車屏翳欻人生看到此吾道竟何之碧血應滋恨黃鑪感

在斯竭來芳婉晚此別草萎移瀘邑彈丸小三泉故迹漸連甍
塵列隧坐甲戰交綏巴水頻催楫渝城偶紉纒估牆帆鷁合漁
舍瓦鱗遲丹實砂輝濮青筒酒載鄆春葩桐拂拂夏果李旒旒
鸞實羞荆楔猿枝熟櫛櫛魚陂登魴鱖鶉市萃瘖痺往俗舟爲
屋今過矢集櫂緣江烽列炬縮版土盈壘月黑弓韜影星寒劍
掩鉞戈鋌森壁壘刁斗靜重陣鼓角催燈火河山付酒卮元戎
彤矢錫之子素絲紕白髮容疏放朱威尙赫煒登樓王粲賦聞
樂伯嗜歎滄海遲鸚鵡蒙山富蛤蜊白駒箴逸豫斑馬箎連流
鼓浪輕艱險經塗逕嶮嶮忠州三里郭禹廟萬年基觀象猶神
鼎飛龍繡羽旗虎梁髻奮疊蚪桷頷躑踞楣轉螭紋曲衡舒鳥
翼踴炳文輝艷翕作勢鬣鬣鬣棟訝仙人集窗疑玉女闕皇靈
儀煥炳胡跽首欺僣往古洪流溢甯論手足胝萬方宗律度四
載瘁楯櫓貢已通球弩功眞溢鼎彝洪基興杜宇明德軼庖犧

洞古餘金簡祠荒弔玉盞淹留攀橘柚容與薦茫離曠世心滋
感經過幾苒胎猶聞耘鳥雀到此富犀犛鼓峽緣流曲岑峯隔
岸覽草迎南浦雨花背北巖曦古洞藤牽屋懸崖枳結籬參霄
樗蔽芾币地木摧確溜急溪流惡山崩冢曳峯摩空孤鶴語視
迹特屢圜澗戶通泉徑峰稜控峽啤水歸餘斷岸浪急失懸倚
寶刻前人跡磨崖幾度斲墨華緹襲錦筆篆畫窮瘁曉發雲安
市舟從曲岸檣中流分楚蜀一徑入巫夔駢掌擎乾極蟠根奠
地元猿聲流暗壑鳥路逼顛厓鐵壁雙崖壯蒼穹一髮窺四時
忘赤日六月結寒漸覆釜峯窪突懸車徑險陝觚稜森戟檠玉
韻叩璫瑁雨淨虹紋錯雲橫蜺影旖栗卷駢角繭槎槩虎牙犄
拔地蛟蚪躍撐空虎豹躩畫屏張鞞币曲鼎侈哆嗚并翦釵橫
燕廉鋒首射狸雲龍橫蜿蜿神鴛蠹鬢鬢雙植森桓表歧金曲
耒庇簾樅聯業捷圭笏杼蔕樸鳳翼疏簫管龍文攢鼎鬻矩句

圍折磬櫛比齒連篋眾態猶堪擬驚瀧自古奇穴山巢鸛鵲壘
石穴魴魷神蜈千年宅靈蟻未可祛險猶魚腹擬功訝鼈靈卑
自昔矜天塹憑斯絕地維江流擎鐵柱飛將濟方筭一統原無
外居安轉慮危歛歌今鼓譟周砥古平徠行水司空職何年下
土釐百靈威象罔大巧範工倕往險梳遡互神功策斧鑿重源
攜月窟百堵奮星鎚觚破稜摧角斤平迹運斲羊腸奚詰諷熊
室幾斜欵此意綏坤軸應教慶坎禔徒勞殷密勿莫與廩民丌
楚廟丹墀古巫峰翠嶺觝蒼茫神女迹指點榜人舛薤彩垂金
羽苕華綴玉蕤幾番溪藻薦終古嶺松栴巖采紅鸚鵡灘聲白
鷺鷥急湍流束楚杓榦會雙椅徑轉臨山郭橋橫跨石倚岡平
山有櫟浦靜水生蘂碧瓦依塵里寒瓶汲甕甌蠶原豐橡繭螳
翳阜桑蟬嶺樹鳴鴟鳩陵蔬富辣辣討川魴甫甫茂草鹿伎伎
歸峽流方急陽坡地可鞞鼓帆朝旭麗艤榜夕風颺東下原俄

頃西征或倍蕤夷陵瞻咫尺屯甲別厓屨巴雨緘三峽湘雲接
九嶷重圍峰影合萬壑澤容庠雨細山花發風高谷木矮孤芳
蘭擢穎旅穀稻生秣故郢今泯滅荆南望渺瀰蕙華知樹畝蘭
實憶拳阯夏貢餘枯栝秋原富菘蕘巢林鳩扈集翻藻鱧鮫躋
往跡徵三楚先王守四夷開基猶筆鐸化俗擬端委令典垂孫
叔規箴爵莧諱地雄雲土夢天畀孟諸麋廣澤熙馳鷁邦圖喪
射鷓懷沙思蹇產哀郢俗嚅喞台古松長蠶宮寒柳細肢荆勳
昭燁燁樊德頌妣妣沙市孤帆別衡峯望眼眇土融黏赤埴波
闊絕厓堦積雨露優渥輕雷試暉暉道人驂赤豹山鬼策文螭
弔古悲懷瑾投荒感歎醜佳期遲北渚炎德挹南娛歸思縈莊
烏招魂謝景蹉僮徊頻鄂浦留滯又京汴江漢重源合雲山萬
里羈殘芳拳杜實朝秀挹茅菘漢女崇祠古當年鄭佩貽春蘭
酬寶玦秋菊屑瓊斲寶瑟神絃寂明璫鬼服魃陰階松檜老緣

徑桂椒獬楚水三江接潯陽九派歧緣流臚舳集近水壘培墮
聞道江南地猶勞薊北師陳謀先蒯徹畫諾後宗資列雉雄衡
霍連雞芑姚邳折衝臨鐵甕環甲下揚蒨長岸餘艤失連江羽
檄侈建瓴雄虎踞合縱喻雞戶漢將歌橫海周郊賦餞郿四方
憂匪兇一將筮非黜命召邦維翰哀荆阻入架六軍天策將七
萃羽林兒戕斧三年夢戎車六月閹分曹陳虎旅列陣必魚麗
瑯彩威弧矢神鋒勵戟戴蓮花生劍鏢柳色拂旌旒月幕笳聲
靜霜弢弩拊弁乘墉公射隼鞠旅士乘騏舜舞敷干羽齊金賜
贖鎬勞旋歌杖實歸戍及瓜祺風靜爰居去波寒鷓蚌持絳宮
盟趙鞅稷里戰欒故計日師于吉終朝訖帶褫紕殷先蔡霍遷
紀弔邾郟國孽歌韋顧邦刑布里平達人齊得喪天道有羸蹄
相古垂裳治寧聞造律化雍嗜桐集鳳均壹棘鳴鳩惟念民猶
體應教惠浹肌辰猷儀翼翼子愛德怏怏已見庭堅集猶傷石

父繅作人基愷弟慎罰勛庸祇室有飛蓬問邦無賦茅欺羣牛
原渾噩大運有陵尸喪亂民多辟天威國有些秦功先駟鐵衛
俗瘁狐父氛侵猶巴徼邊烽尙令疵探丸搜漢社鑄鐵奮秦椎
會見荆城郢曾傳魯會袤行吟辭楚澤恤緯感周嫠薄暮舟艤
皖濱江節弭義輕雲承翠蓋斜日麗朱麾南土綏申伯東車邁
趙岐殷雷君子義暑雨下民咨建業今禾黍江頭市桺桺白門
楊繫馬赤岸葵如雛鍾阜寒峰老淮流況水茲橫江今息戰京
觀幾僵口藉榦蔭裁席輿機輦載埋沙寒原喋血波急海流滄
朝露歌傷逝寒冰饌薦俠山邱蒿里曲生死藁礎詞別思生庭
草化離感谷摧鹿場躔町瞳鱗戶冑長崎泥落空梁燕絲綿在
室蚡食貧桑沃若思遠棣翩其河漢無終極新亭有涕洟寒流
星的爍燎火日炎熾歛浦頻年別申江七日羈九廛移海市萬
棟麗華榱畫栱森珠栊金莖擢繡楣丹翬舒鳥翼朱鐔瞰虹鬐

臺古禽游鳳樓高鵲集鳩瑤光騰鈿砌鐙彩繩文槐丹井葩疏
藻烏稜幹析棹旃茵青毳毼唐壁碧甌甌庭樹移丹檜階莎燦
綠隋曉嶠峩眾覈春戶網罟罨卻暑青蘧苗游春白接羅裾綃
裁燕尾冠翼弭蟬綉霧籜舒秦縷雲羅氎鄧總帶鞞圍寶鞞裳
縠裼線綈集腋裘青羽連珠履赤綦落花嘶玉勒芳草麗金蹕
方軌今連軫圖衡古約鞦雙絲纓紫絡七寶蒨華轆炙輶膏流
滑垂鞍葛作韉鳴鹿衢擊轂入肆閣連籜雪乳香生頰瓊漿雪
沁脾羊剛斟乍熟牛俎臠初腍魚味供鯖臠禽羹薦烏胘脍修
燔雉脯醬劑潔麋腴夕飲傾三爵朝醒藉一甌初筵賓醉止晨
燎夜何其纚履宵鳴瑟華燈夕鼓琵琶紅牙歌嫋嫋白紵舞斐斐
刻羽弦繁響踰宮管外透丁東音協佩戍削彩揚旒故國輪何
滿新臺弔頰頰秉蘭歌渙渙伐木感惇惇東海無匏實南山有
豆其轉蓬辭滬瀆振權逕黃蘗杖杜歌遑止迷陽感殆而泳流

腸九折睇遠視雙俛海氣噓晴屨沙痕篆僕累班鱗龍衍衍趨
翼鮪蜚蜚急浦波騰駢澄泓浪泳鱗陰濱輝蚌蚌陽渚窟鮓鰲
紫棟三春鮪青萋四月鱗乘濤鯨爆彩跋浪鯨揚鰭岸網鮮登
蠓湖舟鮓餉紫璣輝螢彩璠韻奏文魷鱸瀨鱗差色鴻洲羽
產圃忘機鷗浩蕩振鷺羽慘灑肅肅銜蘆雁翩翩集榻佳平沙
眠鷓鴣淺渚浴文鷗風葉吟哇蔣煙苗茁野芪岸花叢似槿江
竹短如簷沃土秋登稼荆關畫掩柴樵原收橡栗菱渚藝鳧蔗
蠓籩新潮長牛筐曉秣齡輕煙籠鳥罟殘日下雞埭樗野時斤
斧桑原調絹繩寒機催促織歲酒酌咆臙信美洵吾土相逢訊
阿誰行歌驚漢廣歸宇闊溫宦鄂渚今容葦中州昔采蘼迹殘
江夏禰地盡漢陽姬到此歌遵陸行人賦載馳曉醒消芳蔗寒
菽飽胡荻轉轂縈心曲棲塵眯目瞋計程原臙臙發軔軌俤俤
楚塞開冥阨般斤溯琢錘數峯靈蹠掌一抹黛橫眉聞說辰躔

柳斯民稼熟粢魯雲書錯沴殷雨沛龐禡下邑民懸釜岑崖戶
汲甄平疇膏黍沃連隰溼禾黴遠近應同潤高卑詎異施民生
原況瘁帝澤信無亾重險猶申息涓流失潁瀉章潭鱣潑潑榛
野兕駮舉世規秦鹿餘氛尙宛颺笳音聆斷續杠錦曳參綫
此去疆分鄭頻年阪度隕于行裳錦絢聊樂帛巾緹治蹟餘東
里皇風訖大驪雄關鈴鞏郊遠水眺漣伊漢鼎基營雒周臺喪
築謬青壇臻瑞玉翠羽拾琛襍故闕祠開母神峯拱少姨按流
圖北汜綜邑得東訾河水宣房跡東流砥柱楛灘痕鷓剖葦沙
彩貝餘貶鳥瑞殘金檢魚缸釣石菑幾聞襟汴洛卻渡卽溫郟
列壤鱗皴錦連峯彩耀珥霜原雄野鷓雨浪湧河鯀同穎禾駢
穗杓枝木曲榭衣紋續馬舄莖穗擢牛莖入夕城瞻衛漸車水
涉淇榛苓要彼美絲布郵氓蚩籥翟前容肅筭珈故彩玼碩人
葭揭揭君子竹猗猗寶物何年迹孤文尙可擦汗青輝册府土

碧暈勾虛龜契周經兆蛟紋漢缶留中州富文獻此美敵盤匝
曠宇開雄鄴遙山盡大嵬宮霜寒露掌臺日薄冰滌東祕餘青
簡西陵茂綠蔽香塵知冥漠總帳有嗟噉騁望空靈雀歸飛感
鸞鷖殷墟迷相耿趙浸涉馮滹冀野豐黼黍陘岡富棟櫺重霄
雲弗鬱孤館雨涔瀆宿霧開原隰新流挹勺稀殘虹明蝮蝥彩
雉耀鷓鷃苦雨同張協臨河愧魯尼雲山三晉闊霜雪九秋滾
寒暑征途易風霜短鬢零地閑宜負郭車止策纍僂綠樹蟬聲
咽平蕪隼羽奮苜原蕃駮耳蒿野窟狸豕玉爪盤秋鸚金翎刷
暝鷓曉霜楓攝攝斜照稷穰穰錦蕊緘黃蘗繁苞秀紫綦斷壺
匏柄曲剝棗果紋虀舊俗猶唐魏前休憊犯衰新田都奠絳陰
館水疏灑朔野規臨代西戎震伐嬾邊歌聆搗羽宮難肇熊脯
揚水卿朱繡嶽岑子墨縑無荒箴蹶蹶變俗感遞遞紫塞今烽
燧蒼生曠耒耜周詩張薄伐揚賦策分勞出塞驩騰馬賓門贊

獻貌款關迎日逐涉幕徙屠耆西望瞻雷澤南薰誦有媯賓門
昭穆穆思善汲孜孜爲奠懷襄蹟頻勞岳牧諮幽明三載績禮
樂九官司亦越徵蕭傅猶聞下宋畸臣鄰有吁咈君德肇謙撝
王道無偏黨甄陶幾甌坏揚靈期帝子嘆古喻此惟濟俗資長
策吾才竭尺捶時艱輕跋履歲晚戀耘耔蓬顆無根蒂枿材謝
剖剝池灰忘漢劫嶺榦老周榴清淨休耽史行藏逐范蠡北居
疑畏壘西逝感崦嵫越緒縈轡轆秦歌愧屢屨棊書敦夙好耒
耜勵勤唉蝶夢醒莊叟龍歌闕介推升沈占蜀市哀樂蕩汾睢
楚佩王孫草商絃帝女絲河清遲負石柯爛溯觀棊生意窺籠
鳥哀歌惜逝雕願攄天問筆上續北征詩

民國二年夏由蜀適滬秋復由滬適晉作詩紀行韻宗集韻
閒用正字及經典段文因係初稿瑕類孔多改定未遑姑付
石印應注之處亦均從略師培記

題馬彝初所藏明人殘硯

杭縣馬君彝初

敘倫

出示所藏明人殘硯硯銘五行白

沙先生撰其詞曰旋以轉形象天水四周體象地用爲
硯以發天地之祕硯缺右隅末二行亦殘數字側有屈
翁山記稱白沙此銘爲順德李孔修作李居西樵山雲
如莊是研乃其遺物記文百餘言字亦殘缺是此研又
爲翁山藏物也馬君得硯廣州屬撰韻語因賦斯詩

白沙昔龍隱李侯亦鴻標遂令斯硯名遠嬈洪崖劭敷文越琳
珪銘德酬瓊瑤下言璿矩章上有玄英包二儀麗貞觀萬象舒
天苞升降亦何常飛躍今孔昭綿綿化紀新甕甕神機超昔聞
百六書無乃歸藏爻蒼牙不我期羲和毀其隅

繁欽硯頌效
義和之毀隅

無金玉相慨茲靈朴彫虧謙會有宜盈坎誰能要孰云涅不緇

介石貞終朝

題董丈蛻盒菱湖泛舟圖

江亭交景風灑德輝南離東溪汜餘清北流淪澎池理楫及良
辰濯景澄中懷仰聆歸鴻征俯擷朱華披朝霏變微岑夕秀輝
明漪覽物煥幽存臨川緬逶迤河陽眷餘謠斜川睇層丘眷言
虛舟超未惜褰裳遲載歌行潦章河酌民攸歸

悲忻乖故風嘉會寧久常懼宴須及時况復良覲并嚶嚶黃鳥
鳴秩秩賓筵張甘醪發芳顏令德揚妙英悒悒樽酒懷習坎占
不盈詩人頌柔嘉君子貞穆清含淒緬往權申章奏中誠境遷
物不遺景邁情斯征逝川无停波念此傷中情

樊雲門七十壽詩 二首

鶉火曜坤維離照輝南服含靈蘊隨珍藏用顯荆璞敷榮蔚國
華迪亮導天淑紬書石室藏奏記金門牘二南濟弘績六事總
條俗价人長維藩樂只民胥穀竭來板蕩餘卷跡槃阿軸風人

歌九罭永嘆申遵陸民伸有道慕戶効庚桑祝惟德自永年天
命徵於穆

景星環紫微慶雲扶青陽箭成瞥來格圖出跂會昌敷奏蔚嘉
謨昌言庸贊襄箕疇會有宜辛箴寧易詳良時冠蓋娛容與墳
丘場騁翰流華芬令德揚妙英君子申芳訊引領歌太康關雎
何洋洋聆耳亦已盈穆如揚清風詠言難可忘雖無吉甫懷願
誦烝民章

左盒詩別錄

左盒詩錄四

儀徵劉師培申叔

臺灣行

九州分壤海波環圓嶠方壺碧浪間聲教昔時沾四海神仙何處訪三山片隅更闢東方地天教島嶼成都會入貢曾緣海水來卜居或等桃源避文物聲名古來通鯨波千頃日輪東波縈弱水三千里地繞蓬山一萬重強封自昔稱荒服一朝竟入倭人屬封域遙臨呂宋邦地名竟改毗邪國斷髮文身自古然民心好異漸思遷氎裘有長求通市異教從今又蔓延海上年年番舶至景教流行祆廟起曲律還居大石都郵支久寄康居地聞道樓船海上翔有時鱗介易冠裳鳴雞自古曾占兆五馬於今又渡江印綬遙從上國賜尉佗立國雄三世宋臣有志保崖山句踐居然稱夏裔當年定闕建東都貢稅都從內府輸徐福

舟師曾入海孫恩兵甲欲窺吳城猶彈丸地赤子畏首畏尾身
餘幾潮水曾迎戰艦來地形况失澎湖勢虎師一旅下汀州親
見降帆下石頭南越舊朝由內亂夜郎降漢亦封侯滄海桑田
幾遷變丹青無復延平殿邊防從此撤三藩故國何妨夷九縣
遺民三度抗胡兵海外夷氛未掃平貨舶縱通黃浦水遺基誰
訪赤嵌城明珠翠羽紛來貢豔說扶桑爾如甕鹿耳門邊禾稼
豐龍湖院內芙蓉種東南文化漸胚胎陸島孤懸碧海隈邊覺
縱云開穢貊漢民安肯棄珠崖東邦地隔滄溟水謂此區區應
予畀橫海樓船一矢加河山寸土千金擬十萬雄師鎮海濱降
全難屈兩河民不圖勁旅班韓岳遂致孤城困遠巡當年畛域
區夷夏可憐易主如傳舍故郡猶思蒲坂歸名城或等商於假
精衛沈冤海莫填蠻煙蜚雨又年年漢家竟棄輪臺土閩地仍
分婺女躔况復東隅時勢異舍舊謀新齊改制滄海何曾禹貢

歸邊城終類維州棄禹跡茫茫又變移神州亦有陸沈悲何人
更憶金門戰空念夷奴渡海時

齊侯罍歌

陳氏祖虞舜先世出有媯敬仲奔齊日特受桓公知其後傳數

世乃至夷孟思世本敬仲生夷孟思當時齊國弱公室日以卑繁刑兼重

斂陳氏知厚施五世身其昌兆已定卜龜田氏日以興姜氏於

此衰罍為飲酒器爾雅郭注云壘酒器景公親賜之此為齊侯賜桓受命

自周王天子曰爾期銘文有天子爾期等語桓子拜首受子孫永

保持色似焦山鼎阮文達云黜色澤絕似焦山鼎銘詞類管姬周有晉姬高鍾

鼓與璧玉銘玉有璧玉壺鼎鐘鼓諸字眉壽用以祈銘文云桓子孟桓子得

此器用授田乞釐田乞子乃田和為諸侯齊室遂傾危此器雖云

微已兆齊社移年歷二千載此罍至今凡二千四百餘年此器猶在斯出土

銅花碧光怪兼陸離雙環既交絡兩耳更低垂此器有兩耳篆

文雜蝌蚪蟠以蛟與螭銘文在腹內一十九行辭凡銘文在腹內十九行

壘形本甚古寶貴等鼎彝卷耳歌酌彼河酌詠注茲如壺徵雅

注爾雅注云壺形似壺作雷攷周詩一本姑酌彼金壘宋氏昔藏此文達云

之安邑宋何君釋其詞子貞先生阮公得此器此器後更為析

其疑文及詩有跋紹字當作韶聞樂憶宣尼舞即韶字且謂孔子

在齊聞韶於是齊洵字通作桓文達云洵古訓承經師董即子疆

字左氏文可推何氏謂左傳陳子墓亶為武子開白哲鬢鬚眉公阮

又謂世本之子齊即左傳之子開然後知此壘造自東周時獨惜齊國物至今

靡有遺柏寢所陳器見史記封禪書中變滅煙雲隨齊刀雖云古疑是

世偽為齊刀銘文云齊公化人皆讀公為吉字為公別有攷又

齊刀近日多有者吾閱金石存曾錄齊侯匜齊侯匜銘云齊侯作

無疆子子孫又聞陳逆簋汪容甫先其形尤權奇此壘雖尙全

出土亦云遲器物信完美篆文勤榻槌文同虢叔盤近出鳳字

異岫樓碑晴窗偶撫玩光采何淋漓遐想齊國政雖識景公悲

文信國祠

王氣消京邑中原逼寇氛有光爭日月無會際風雲壁壘千軍
合河山四鎮分身先貔虎士威掃犬羊羣儻使遭新運應教立
戰勳武侯躬盡瘁陶侃志忠勤國已更新主人思反舊君降王
終走傳都統罷行軍翟義心忠漢周王墓表殷賣魚灣畔路望
斷海天曠

古意

西風吹湘水鴻雁有哀音渺渺洞庭渚千秋騷客心蒼梧雲去
後明月冷湘陰言念鄭交甫悠悠漢水深

讀楚詞

秋風吹班竹木葉下瀟湘洞庭艤歸舟極浦望涪陽豈無楚澤
蘭孤芳襲我裳惟恐鷓鴣鳴百草先不芳帝子一以去杜若年

年香千秋夢澤水猶自悲懷王

有感

游魚潛漢渚乃慕禽鳥飛羽翼一朝傳江海何時歸塵寰不可
立敢怨弋人機北山亦何高南溟亦何卑天地有鷗鵬變化無
已時

書楊雄傳後

荀孟不復作六經秦火餘篤生楊子雲卜居近成都文學窮典
墳頭白勤著書循循善誘人門停問字車法言象論語太玄開
潛虛反騷弔屈平作賦比相如訓纂辨蝌蚪方言釋蟲魚雖非
明聖道亦復推通儒紫陽作綱目筆削更口誅惟據美新文遂
加莽大夫吾讀華陽志雄卒居攝初身未事王莽茲文將無誣
雄本志淡泊何至工獻諛班固傳信史微詞雄則無大純而小
疵韓子語豈疏宋儒作苛論此意無乃拘吾讀楊子書思訪楊

子居斯人今則亡弔古空躊躇

臺城柳

臺城何巍巍故壘空斜陽遐想六朝時都邑遙相望嘉樹鬱千
株楊柳生道旁倡條與冶葉一一披宮牆時勢一朝殊轉瞬如
流光極目皆荆榛無復見垂楊悽愴悲江潭搖落能毋傷因思
植物理生滅殊無常苑枯在俄頃轉綠旋回黃人事苟不施會
見天行強細繹天演篇懷古心茫茫

楚詞

幽夢陽臺化雨雲吉占何事信靈氛幽蘭紉佩空相贈椒椒當
帷已不芬時向湘中愁帝子獨從天末望夫君眾芳搖落休相
憶鶡鴒先鳴不忍聞

詠扇

赤日行天空靜坐湘簾垂揮扇挹清風瑟瑟風生帷炎運無窮

期却暑無已時嗟爾小民愚暑雨興怨咨消夏豈無方所在招
涼颼炎涼由境生易境天無爲棄捐豈足悲所盼炎景衰齊紈
爾微物願君長保持

出郭

幽懷了無著與世漸忘機流水自終古青山空夕暉沙禽臨岸
立瘦蝶背人飛試訪招提境鐘聲出翠微

讀戴子高先生論語注

素王大業垂端門公羊春秋古誼敦聖王不作感獲麟改周受
制存微言麟經義例通齊論問王知道篇目存古經廿卷秦火
焚董顏而降齊學湮各守所知溺所聞經義晦蝕誰探源先生
絕學龔魏倫遺世特立無攀援邵公家法轍可遵羣言淆亂白
黑分三科九旨窮籬藩宋劉經說躋稟軒廿篇作注古意申石
渠博士舌可捫曲學媚世嗤公孫遺經獨抱孤無鄰漢學師承

今古尊西京墜緒永不泯太平郅治不可臻通經致用思申轅

歸里

江天如鏡客舟還風雨蕭條賦閉關萬種相思拋不得零雲老

木瀨城山

幽蘭吟

幽蘭生湘江孤芳正可采采之寄所思所思在東海余情苟信
芳忍令瑤華萎幽香闕空谷遲暮復何悔一卷離騷詞此意靈

均解

詠明末四大儒 四首

壯懷久慕祖士雅田牧甘隨馬伏波精衛非無填海志也應巧

避北山羅 顧亭林先生有聞雞起舞詩又有精衛詩

驚心西浙非王士侗籍東林作黨人畢竟艱貞成大節晦明無

復九疇陳 黃梨洲

井中心史鄭思肖澤畔哀吟屈大夫甄別華戎垂信史麟經大

義昭天衢

王船山

自古儒文嗤武俠紛紛經術惜迂疏先生教法師周孔六藝昭

垂恥著書

顏習齋先生以格物即周禮三物乃六藝也

詠女媧

古聖繼伏羲乃以女媧名欲補五色天先煉采石精此語出淮南其說殆無憑自古掌天有鼈骨天維地柱誰能傾乃知女媧煉石補天闕亦猶虞廷當日調幾衡古人作一事必為後人利後人作事多逞奇乃以妄測古人意豈知盤古開闢來天地形勢常如此縮地豈果長房功觸天奚必共工罪試誦鴻烈篇聊補洪荒史

黃天蕩懷古

滔滔黃天蕩烟水河迷離荻蘆風蕭蕭戰壘餘故基憶昔宋南

遷臨安建新畿金人圖江淮爰起南征師戰艦被江渚千里排
旌旗飲馬效魏文臨江同佛狸韓公提一旅三軍賴指揮使船
如使馬金人歎神奇獨惜此一舉敵軍脫重圍既開老鸛河奇
勳一朝隳遂使秦長脚乞降飾卑詞他日湖上游末路能毋悲
我今渡秋水舊壘峙江湄英雄不復作弔古空相思

申江雜感用蘇東坡秋懷詩韻 二首

浮雲一東西逝水無已時木葉一以落誰知秋氣悲涼風扇曲
榭明月入我帷豺狼尙當道安復問狐狸因念倦鳥飛猶思假
一枝長繩繫白日春去誰能追有如黃金華適與秋風期寒暑
歲所有奚事興怨咨君看木槿花敢怨雨露遲

梧桐植西階蕭蕭滴秋雨萬籟杳然息慨慨寒蟲語和我金石
聲蕭然出環堵宇宙豈不寬爲閱眾生苦睠言懷舊都詩人歌
彼黍彼美隔湘江揚舲辭極浦申椒不結實蕙草空盈畝感此

節序移東嶺月光吐

烟雨樓二首

水光搖蕩碧波涵買艇來游日未銜不愧名樓號煙雨滿湖涼

意上征衫

塵海茫茫一局棋側身天地更何之何當散髮鴛湖裏一舸鴟

夷逐范蠡蠡本平聲

聞某君卒於獄作詩哭之

七字淒涼墨跡新當年爭說自由神某君前贈余箴隸書中草

間偷活吾滋愧奇節而今屬故人梅村詞云故人慷慨多奇節恨當日沈吟不斷草間偷活

東京清明雜感二首

塞公失馬禍中福莊惠觀魚物外天妖霧儻揮乘障劍閒雲豈

傍在山泉無多文采初知悔未證清涼敢學禪客裏佳晨虛易

擲落花流水又頻年

少年頗抱風雲志痛哭新亭有淚痕
幾見桑田成碧海那堪瓜事老青門
雲翻雨覆休回首柳暗花明也斷魂
千里春心勞極目夕陽黯淡逼黃昏

詠漢長無相忘瓦

甘泉烽燧年年警茂陵回首秋風冷
三十六宮秋色寒平蕪一片斜陽影
憶昔深宮建未央鴛鴦瓦上有新霜
同心蓮子千春發連理名花兩地芳
妾顏未老君恩薄秋月春風俱蕭索
絺綌秋風怨綠衣簾櫳夜雨愁珠箔
怨粉零香愴落花後宮砧杵怨禽華
可憐飛燕新承寵回首昭陽日已斜
玉階窈窕知何處誰說搗衣工作賦
月冷長門草不芳螢飛永巷花無語
紈綺西風咽暮秋珠零錦粲不知愁
滴殘秋雨蟾蜍影遮斷零煙鵲樓
長楊五柞空焦土金莖尙挹三霄露
苔蘚青青蝕土花松楸渺渺悲陵樹
况復昆明有劫灰松風吹冷柏梁臺
一天殘月銅人

泣秋雨空言落綠槐

詠懷 五首

春蘭發華滋秋菊含媚婉競秀各一時何須惜太晚佳人本幽
貞雜佩長委宛芳馨盈素懷焉得不繾綣

白日無留情大運有回薄我生如飄蓬天地安可託孽條玩葬
華容輝相照灼霜露逼歲寒朝開暮已落時事如浮雲倏忽易
哀樂

丹穴有翔鳳北溟有大鯤舉吭諧六律一擊滄波渾背翼雖負
天失地不飛翻取笑鳩與蜩得失奚足論不見奇服士囂囂徒
自煩

書契易結繩官事紛以治六籍厄秦炬兩漢尊經師道雖歸簡
易理實明彰施奈何後生輩學弗勤深資斷簡撫殘蠹摹畫工
入時不挽末流失翻爲文雅嗤

龍門百尺桐直上旁無枝斲之爲古琴飾以軫與絲雜聲箏琶
間俗子無乃嗤苟免爨下苦誰識梁棟資棄置久不用不如棄
路歧夔曠既不逢此音知者誰

詠禾中近儒 三首

水竹蕭疏帶草廬行人爭指晚村居而今怕說坑儒禍萬卷楹

書劫火餘 呂晚村講義及所評時文尚有流傳於世者

偽儒發冢緣詩禮心性空言飾簿書始信盜名猶盜貨清廉猶

自說三魚 陸稼書觀於稼書所為益信其言之確矣

竹垞才名噴江左著書避世類深寧一從奏賦承明殿晚節黃

花慘不馨 朱竹垞流設隱居不出不愧純儒也

題陳去病拜汲樓詩集 二首

松陵詩學有宗派魯望雲林昔擅名壇坫主盟誰繼起漢槎哀

怨稼堂清

鄉邦文獻淪亡盡勝國遺書掇拾多太息山河今異昔那堪揮
淚問銅駝

鴛鴦湖放棹歌

秀州風景看不殊東城城外如畫圖十日梅雨更五日詩情直
寄鴛鴦湖東西兩水夾明鏡奇形宛與葫蘆符且喜今朝放晴
好上船未午陰猶紆睥睨堞低籠翠繖堵波方如玉壺插竹
橋尾艇魚利列花瓦當樓女娛幾年曾見白飛絮一水依然青
沒蒲細葉玲瓏阜角樹淺味啜喋黃鴨雛人憩野亭烟市散塚
埋石表蓬顆孤思萼豈復慕張翰放龜那更思孔愉浮生早謝
六塵縛嘆逝翻惜虞淵晡攬古剛逢吳接越吟詩不見譚與朱
皆有鴛湖棹歌詩靜中攬勝取適可客裏思鄉何有無人生百年短長
夢得意失意皆須臾

焦山放船至金山

用蘇東坡金山放船至焦山韻

滄溟形勢夙所耽，焦仙招我來江南。天遣奇觀誇眼福，有如滄海神山三江流。發源自岷蜀，開闔誰者魚與蠶。金焦兩點亦奇絕，持較蜀嶺宜無慚。江天萬里動寒色，蛟龍千頃盤深潭。中流仰首望絕壁，蒲帆十幅烟雨酣。白雲無心自來往，空山佚事無人談。松風泠泠入衣袖，空餘石影侵雲龕。幾年作客飲江水，酌泉且試中泠甘。桑陰三宿恐增戀，山靈笑我林泉貪。江潭自古有悽愴，樹猶搖落人何堪。臥吹簫管便歸去，何由坐我雲中菴。

夜月 集杜

秋月仍圓夜珠簾，半上鈎七星在北戶。大火復西流，玉露團清影。高風吹早秋，何時倚虛幌。高杭對南樓。

讀楚詞 集杜

巫咸不可問，投詩贈汨羅。山鬼迷春竹，幽人泣薜蘿。風騷共推激，英賢遇坎軻。夢魂歸未得，慘慘暮雲多。

燕雁代飛歌

集杜

雙雙新燕子八月自知歸塞雁與時集一一背人飛大造本無私難教一物違亦知故鄉好故鄉不可思側身千里道不得相追隨涼風起天末兼催宋玉悲

擬杜工部贈李十二白二十韻

用原韻集杜句

不見李生久江山憔悴人涼風起天末秋月解傷神交態遭輕薄浮生有屈伸文章亦不盡爽氣必殊倫北闕心常息南陽氣已新奈何迫物役况乃久風塵天意高難問交情老更親猶殘數行淚有愧百年身俗態猶猜忌行高無污真竟無宣室日傳語故鄉春忝迹朝廷舊無心棟宇鄰聖朝無棄物我輦本常貧祖帳維舟數荒城繫馬頻白頭趨幕府此賊本王臣降集翻翔鳳斯文起獲麟接輿還入楚范叔已歸秦國有乾坤大恩傾雨露辰羈離交屈宋萬古重雷陳策杖古樵路觀棋積水濱所過

頻問訊滄海闊無津

謁治山顧亭林先生祠

北闕河山渺東林黨禍延先生抱幽緒大道未述邇憶昔新都
建曾聞諫草傳志頻知恥勵官早職方遷填海悲精衛傷春泣
杜鵑管寧辭魏日綺季避秦年治法師三古兵機悉九邊秦關
曾卜宅燕塞憶屯田抗志希元亮先生詩集中有陶淵明歸里詩傳經老服虔
墓門吳市側祠宇治山巔同治時所建澗遠蘋繁潔階空草木妍明
宮今寂寞望斷孝陵前

書懷

舊游如夢江淮海物我相忘形影神四海風塵艱涕淚中年哀
樂損天真江山入畫常宜我花月無情又送春漫說桃源堪避
世武陵猶有問津人

題風洞山傳奇 三首

瀟水西流落日斜
越王城闕急胡笳
山河大地今非昔
忍向西風哭桂華

班竹蕭騷冷翠凝
瑟聲淒絕弔湘靈
而今怕誦招魂賦
江上楓林慘不青

郁李花開杜宇飛
孤臣泣血淚沾衣
鶴歸華表知何處
城郭人民半是非

觀物吟

鼠肝蟲臂幻中境
魚躍鳶飛物外機
塵洗輭紅甘闕畧
室生虛白悟希微
青門瓜事垂垂老
江上莼絲蔌蔌肥
聞說朔方霜信緊
海天遼闊盼鴻歸

多能

雄心昔憶青門客
禪法今師黃蘗僧
日月跳丸人易老
江湖華首漸多能

右詩五十一首、錄自乙巳丙午兩年之國粹學報。廿五年五月卅日錢玄同記。

滴翠軒

草木沿山一境香
白雲深處故祠荒
霜寒欲染顛毛白
風緊猶欺病葉黃
物外逢迎從老衲
人間興廢問空王
舊遊恍憶尋春句
修竹千竿翠拂廊

留別 二首

沈冥自晦中山酒
去住無心不繫舟
三載飢驅戰冰蘖
萬重哀怨悟浮漚
風瀟雨晦增蕭瑟
絮果萍因任去留
江上雲帆催我去
欲從滄海挾沙鷗

皖中論學尚宗派
經術文章自昔傳
江戴高名垂日月
方劉遺著瑣雲烟
而今時學輕耆舊
陸放翁詩人亡耆舊多時學
欲挽頽風仗後賢

陳迹低徊一俯仰
江天回首倍淒然

贈李誠菴二首

巢湖風浪激奇響和汝高歌金石聲
杯茗瓶花自怡悅茫茫塵海說因明

中庸昔笑胡伯始狂狷而今多僞流
落落貞松倚幽壑清姿獨爲歲寒留

留別鄧繩侯先生

英英鄧夫子媚古愜幽情博雅黃長睿
收藏項子京論文來眾譽載酒許同行
此會今難再吾猶及老成

偶成二首

子瞻正叔皆賢哲黨論紛拏本激成
翻笑史臣工左袒至今貝錦尙縱橫

皖南經訓有師承提倡宗風愧未能
聞說蔡陳屢相訊子民先去

病近日均有函來秋窗應負讀書燈

雜賦

觥觥游俠士意氣凌盛都殺人長安中挾刃遊交衢一朝禁網
嚴伏尸城西隅古人尙力競赴義甘捐軀今人競以心翻噬古
人愚力競敵一人心競敵萬夫萬矢紛相集萬刃厲以須腸轂
日九回變境生斯與下傷萬民仁上啟造物吁造物亦輔強心
強天所趨遂令賢與豪生共愚忠俱老氏識此旨治化陳虛無

右詩九首錄自丙午年之政藝通報署名「少甫」因

申叔君彼時避黨禍改姓名曰「金少甫」也。鄭友漁

君頃向鄧叔存君（名以蟄繩侯先生之子）鈔得申

叔手寫詩八首、與此對勘、則「滴翠軒」及「雜賦」

兩首爲手稿所無、「偶成」二首無題、「留別」二首

及錄自國粹學報之「觀物吟」合題曰「七律三首、

「又」留別」第二首有注。「偶成」第二首無注。今

以政藝通報所錄爲主、而據手稿校正其誤字、并補錄
「偶成」第二首之注。二十五年五月卅日錢玄同記。

張園

海上歸來百感新、西風吹冷滬江濱。
迷離衰草戀斜日、歷落寒梅逗早春。
猶有樓臺供入畫、那堪金粉易成塵。
獨從陳迹低徊處、閱盡繁華夢裏人。

右詩一首、錄自丁未年之政藝通報、署名「無畏」按

「無畏」爲申叔君彼時之筆名。二十五年五月卅日
錢玄同記。

滇民逃荒行

小車聲麟麟、突兀行道邊。
車旁何所有、垂髻雜華顛。
中有飢婦人、棄子歧路前。
子啼牽母衣、百啼母不旋。
問伊何從來、妾身籍南滇。
滇南山崎嶇、瘠土多凶年。
去歲苦赤旱、飛蝗翅盈天。
粒米

未入困石粟或萬錢貪吏虎而冠催租若火煎鬻田償官租無
食誰能延鬱鬱去故鄉里程越三千八口罹嗷瘠衣薄無輕棉
稚子未總角亦復饕粥饘兒生母死飢母死兒誰憐未知死何
方疇能兩相全道旁多征夫聞言涕淪漣鼎食爾何人請誦災
民篇

工女怨 二首

朝陽被華宇照耀柔桑枝盈盈誰家女纖手弄素絲織練日盈
丈主人猶責詞訴情豈無方所愧執役卑我欲謝役歸素與箠
楚辭箠楚畏隕軀無食恆苦飢身軀一朝隕得食夫何爲
白日下原隰子身返衡廬嬌兒迎門呼問母歸何徐母去兒啼
飢母歸兒牽裾探手入母囊詢母錢有餘今朝兒別母粒米未
入廚持錢易撮粟作糜不盈盂勸兒且加餐明日夫何如

從軍苦歌 七首

霜雪凝肅殺西風雜淒聲車馬紛在門戒旦歌長征問君將何
之含悲訴中情爲言朔方地敵騎方縱橫官帖馳近郊促我邊
域行王事旣靡盬疇能獲長寧

鄰人扣柴荆念我長相睽飲我雙樽酒惆悵不忍持翹首續餘
歡俯首中心摧不知酒和淚一一沾征衣相逢不須與轉瞬在
天陲豈無桑梓情化鶴當來歸
出門白日夕妻孥泣路歧爲語閨中人轉轉徒傷悲眼枯復何
爲荷戈安獲辭願言寄好音慰我長相思嬌兒不識愁牽裳詢
歸期爲言當早歸背兒雙淚垂

浮雲朝在天暮不知所歸聚散旣靡恆飄搖隨風吹征夫志四
方對此含餘悲朝發受降城暮宿瀚海湄亦知去不歸安識葬
我誰悠悠仰蒼天何爲一至茲
紫塞多悲風冰海多苦寒去去七千里迢迢越關山道逢從征

人爲言邊庭艱邊庭方苦爭戰骨委草菅君行同逝水此去何
當還聞言起彷徨側身獨長嘆

屯雲黯大荒瘴癘古多瘡主將樂歡宴軍士饜葵藿崢嶸幕府
地咫尺區哀樂主將若朝華軍士同秋穰朝華雜媽紅耀彩增
璀璨秋穰一朝隕誰與傷搖落

良人苦行役思婦鳴清絲當窗理新聲聲響亦何哀我能解此
曲未識作者誰上言征夫悲下言長相離壯士感此意長與戎
行辭爲君卸征裝請廢無衣詩

譯石門和夫氏希望詩 二首 佚一

以情洽羣新機句萌風聲所徹彌綸八荒有若毛羽從風搏翔
翩翩遠將覃及殊方 其一

右詩十一首、錄自丁未戊申年之天義報。此報今極不
易得。劉氏所藏申叔君遺詩叢稿中有三紙、係自天義

報中裁存者、中有此十一首、今據以錄入此卷。譯希望
詩第一首在紙末、其第二首或未裁存、或後來遺失、以
致亡佚、殊為可惜。各詩皆已見卷二、而文句與此頗異、
又「從軍苦歌七首」、「彼作「從軍行六首」、「蓋此乃
初稿也。二十五年五月卅日錢玄同記。

左盦詩錄後記

劉申叔君之詩，余昔所見者，僅爲刊載於國粹學報、政藝通報、天義報、國學會編（初名四川國學雜誌）獨立週報、甲寅雅言及民國五年之中國學報各雜誌中若干篇而已。此次南佩蘭君刊行申叔遺書，由鄭友漁君向劉氏徵得其家藏之稿，中有詩稿三冊，石印「左盦長律」一冊及叢稿十七紙。余假讀一過，始知申叔之詩未經各雜誌刊載者尙多，於是合其家稿與刊載於各雜誌中者比勘之，有彼此復見者，有一詩而初稿與改稿不同者，遂與鄭君商定，願獨任編次之事，頃已編定印成，用將原稿撰作之時代及編次之經過記之於後：

家稿第一冊名「匪風集」，凡詩五十五首，申叔所自定，且爲其手稿，篇首初署「儀徵劉光漢」，後改「光漢」二字爲「師培」。此集編定時當在丙午丁未間，其中之詩，最早者在癸卯

以前最晚者或至丁未。申叔初名「師培」。癸卯至上海，喜言民族主義，改名「光漢」。及丙午歲，秒避地日本。「光漢」之名不能用於國內，故乙巳丙午之國粹學報所刊申叔詩文皆署「光漢」。而自丁未始乃改署舊名「師培」。丁未秋冬間，申叔在日。本治社會主義，不復言民族主義，自是遂廢「光漢」之名。詩文書札皆署「申叔」。及戊申冬歸國以後，乃復用「師培」之舊名矣。匪風集中之詩，頗多言民族主義者，如「宋故宮」、「讀王船山先生遺書」、「書顧亭林先生墨迹後」。諸篇皆是，故知其編定於丙午丁未間也。

第二册名「左盦詩」。凡詩六十二首。（本有六十四首，後將「傷女頌」二首裁出，置叢稿中，故止六十二首。）亦申叔所自定而屬人鈔錄者。首有序，序末云：「宣統庚戌八月十五日，揚子劉師培識。」篇首亦署「揚子劉師培」。（彼時儀徵縣因

避清帝溥儀之名，改爲揚子縣。篇末有「宣統庚戌八月二十日錄畢付刊，師培記」一行。詩下皆自注作年，起庚子，迄庚戌。序中云：「曾矧哀所作，刊爲匪風集……及羈津門，栖篋多暇，爰薙掇舊刊，十或存一……益以近作，用麗文集之末，名曰左盦詩。」是則編左盦詩時，匪風集已被廢棄矣。匪風集中之詩爲左盦詩所收者，有「懷桂蔚丞丈」、「宋故宮」、「佳人」（匪風集題作「古意」）諸篇，而文句有異同。左盦詩中言民族主義之詩絕少，而言社會主義之詩則尙有留存者，「滇民逃荒行」、「工女怨」、「從軍行」、「譯石門和夫氏希望詩」諸篇皆是。（匪風集與左盦詩似皆有刻本，但從未見過。）

第三册亦爲申叔手稿而尙未編定者，凡詩五十二首。考其時代，約是辛亥至民國二年時所作。申叔於辛亥秋由天津至上海，而湖北而四川，民國二年夏由四川至上海而山西，此

冊中各詩之次序，略與此兩年中之旅程相合。

「左盦長律」一冊，僅詩一首，名「癸丑紀行六百八十八韻」爲民國二年所作。

叢稿十七紙中，除裁自天義報及左盦詩者以外，皆爲手稿，凡詩三十二首，有丁未戊申在日本時之詩，有己酉庚戌在南京天津時之詩，有民國元二年在四川上海時之詩，（中有與第三冊手稿複見者）有三年以後在北平時之詩。

其刊載於各雜誌中者，分述如左：

國粹學報中有詩五十二首，見於匪風集者僅「癸卯夏紀事」一首，文句全同，見於左盦詩者有三首，文句多異，題亦不全同。國粹學報中「古意」「有感」「詠扇」三首，即左盦詩中「湘漢吟」「有感」「扇」三首之初稿。

政藝通報中有詩二十八首，乙巳十八首，皆見於匪風集。

(中有二首又複見於左奩詩)丙午九首(此九首中有七首及國粹學報中一首鄧叔存君藏有申叔手稿,本書卷四中已有說明)丁未一首

天義報今極不易得,幸叢稿中裁存三紙,得詩十一首,皆見於左奩詩,而文句多異,詩題及首數亦有不同,本書卷四中已有說明。

國學會編中有詩二十首,獨立週報中有詩十五首,甲寅中有詩十二首,雅言中有詩一首,中國學報中有詩九首,皆見於左奩詩,第二册手稿,左奩長律及叢稿中。

今據上述各稿,編爲「左奩詩錄」四卷,卷一名「匪風集」,凡詩五十五首,卷二名「左奩詩」,凡詩六十二首,此兩卷皆照原編錄入,卷三名「左奩詩續錄」,取第三册手稿之五十二首及左奩長律一首,又就叢稿中取十九首(簡去與第三册手

稿中復見之二首及天義報中之十一首）略比次申叔在南京天津四川上海山西北平之時代編入，凡詩七十二首。（此卷中之「八指頭陀詩三首」，故宮博物院出版之文獻叢編第三十一輯中有影印之定稿，與其家藏初稿稍有異同，因發見較遲，本書已印成，不及追改。）卷四名「左盦詩別錄」取國粹學報中之五十一首（簡去「癸卯夏紀事」一首）丙午丁未政藝通報中之十首及天義報中之十一首編入，凡詩七十二首。此卷中有與卷一卷二復見之詩，皆文句詩題及首數有異者，故並存之。四卷凡詩二百六十一首。

民國廿五年，公元一九三六年，五月卅一日，錢玄同記。

左
盦
詞
錄

寧武

南氏

校印

民國廿五年公元一九三六年五月卅一日錢玄同記

左盒詞錄目

掃花游

讀南宋雜事詩

桂殿秋

望月作

掃花游

汴堤柳

如夢令

游絲

長亭怨慢

送春

菩薩蠻

無題

菩薩蠻

詠雁

一萼紅

徐州懷古

菩薩蠻

壺中天慢

元宵望月

賣花聲

登開封城

點絳脣

詠白荷花

好事近 楊花

浣溪沙 讀錢塘紀事

臨江仙 詠蝶

掃花游 宿遷道中見杏花

一萼紅 題碧海乘槎圖

菩薩蠻 和淵

菩薩蠻 無題

長亭怨對 送春

破夢令 和絲

鬲梅詞 和吳

林鍾秋 和吳

鬲梅詞 贈南來華惠翁

左盒詞錄

儀徵劉光漢申叔

掃花游

讀南宋雜事詩

殘山賸水聽烏喚東風鵑傳南渡繁華暗數惜珠簾錦幕美人
遲暮賸有華堂蟋蟀芳園杜宇傷心處將無限閒愁訴與鸚鵡
西湖堤畔路賸渺渺寒波蕭蕭秋雨暮潮來去送樓臺歌管
夕陽蕭鼓芳事淒迷夢斷蘇堤烟樹無情緒酒醒時江山非故

桂殿秋

望月作

三五夜月朦朧瓊樓玉宇冷秋風琪花落地無人拾九曲瑤臺
何處通

掃花游

汴堤柳

落花天氣正弱縷飄金低枝弄翠春風十里又年年攀折相看
憔悴和雨和烟依舊長條跪地相思碎口燕語鶯啼春夢醒未

度番風廿四恨走馬章臺飄零身世韶光彈指縱游絲十丈
春情誰繫千劫興亡都付汴堤流水思往事最消魂杜鵑聲起

如夢令

游絲

本是靈和殿樹又作章臺飛絮絲影戀妝樓不惜韶華遲暮春
去春去問爾飄零誰主

長亭怨慢

送春

聽一曲歌殘金縷沈沈簾幙東風暗度芳草閒門嫣紅萬點慘
無主慊慊人病弄得春光遲暮看九曲闌干已無復流鶯軟語
春去也落花流水畢竟春歸何處遊絲橫路那挽得韶華小
住閱幾番芳事飄零又化作漫天飛絮曉夢畫樓西啼血誰憐
杜宇

菩薩蠻

無題

一樹梨花深院隔遊絲飛去無蹤跡金瑣闌門開傳書青鳥來

簾櫳殘月曉夢斷青樓道曉色綠楊枝流鶯對語時

菩薩蠻

詠雁

傳到琵琶幽怨意爲誰飛上江南地冀北雪花飛鴻歸人未歸
衡陽春色暮又逐東風去繫帛漢時宮雲山隔萬重

一萼紅

徐州懷古

過彭城看江山如此我輩又登臨繫馬臺空斬蛇劍杳霸業都
付銷沈試重向黃樓縱目指東南半壁控淮陰衰草平蕪大河
南北天險誰憑千劫興亡彈指賸陽山雲起泗水波深宋國
雄都楚王宮闕千秋故壘誰尋溯當日中原逐鹿笑項劉何事
啟紛爭空嘆英雄不作豎子成名

菩薩蠻

一樹嫣紅嬌不語尋芳望斷江南路春去已多時流鶯猶未知
簾櫳殘月落夜雨愁珠箔王母下雲旗傳書青鳥歸

壺中天慢

元宵望月

滿身花影看蟾光如許盈虧幾易難得南樓同醉月不負天涯
今昔鼙鼓蕭條悲笳鳴咽遼海音書急扶風歌罷元龍豪氣猶
昔堪嘆好夢煙銷年華水逝俯仰悲陳跡千里相思無寄處
惹我青衫淚溼雲海沈沈金波脈脈終古橫空碧夜烏驚起一
聲何處長笛

賣花聲

登開封城

蒼莽大河流空際悠悠天涯回首又登樓百二河山今寂寞已
缺金甌宮闕汴京留王氣全收浮雲縹緲使人愁又是夕陽
西下去望斷神州

點絳脣

詠白荷花

羅襪無聲晶簾一片斜陽裏碧雲無際隔斷銀河水 縞袂凌
波洗盡鉛華淚鳴環珮月明千里水殿風初起

好事近

楊花

飛上玉闌干，纔被東風吹起。最是一天春雨，踏入輕塵裏。更
憐清影別深宮，漂泊隨流水。慎勿化萍飛去，蕩春心千里。

浣溪沙

讀錢塘紀事

一曲琵琶咽故宮，西陵風雨冷梧桐。淡煙疏柳夕陽中。湖水
千尋蓮葉碧，樓臺十里杏花紅。而今殘照怨西風。

臨江仙

詠蝶

殘月當門春不語，小園竟日花飛。紅欄回首惜芳菲。綠陰庭院
曲曲，瑣殘暉。飄泊不隨風絮影，而今猶戀羅衣。芳情夢斷畫
橋西。斜陽花雨未忍抱香歸。

掃花游

宿遷道中見杏花

荒郵古戍，賸數朶孤花。落英如許。采香人去，問斜陽一抹幽情
誰訴。金粉淒迷，付與二分塵土。無情緒。傷淪落天涯，飄零似汝。

閱東風幾度看萬點花飛春光又暮芳心自苦惜玉顏憔悴
瑤華無語一笑嫣然肯學夭桃媚嫵相思處憶江南小樓聽雨

一萼紅

題碧海乘槎圖

海波平正相思無限隔秋水盈盈徐福不還魯連避世千秋鳴
咽潮聲試寄語燕昭漢武問求仙何日到蓬瀛成連一去天風
海水何處移情日暮碧雲天遠見蜃樓明滅蛟渚澄清千仞
銀濤片帆飛度雲山劃斷空青快此際乘風破浪指東南九萬
里鵬程立向蓬萊高處目斷瑤京